

« اوقراينا خلاصكار جمعيت اتحاديه سى » نثرياتندن:

اوقراينا ، روسيه

توركيه

(مقاله لرمجموعه سى)

استانبول

۱۹۱۵

مطبعة خيريہ و شرکاسى

ناشر لر طرفندن

تورك مطبوعاتی ، او قراينا مسئله سنك كرك بالقان و كرك عمومي آوروپا سياستتجه حائز بولونديغى اهميتى لايقى وجهله تقدير ايتشدر . مطبوعات مذكوره ، « ژون تورك » قوميته سنك دور سابقده تعقيب ايتديكى مقصدلرك عيىنى بو كون تعقيب ايله ين « او قراينا خلاصكار جمعيت اتحاديه سى » نك فعاليت و اجرا آتى توجهكارانه بر صورتده تلقى ايله مكده در .

فقط حادثات كيتد كجه دها درين ودها كنىش بر ماهيت كسب ايتمكده و عيىنى زمانده داخلى يكدى كرينه ضد مناسبات و منافع ايله دولو اولان چوروك روسيه ايمپراطورلغى ، خارجى و داخلى تضيقلر آلتنده صار صيلوب پارچه لائق اوزره در .

روسيه ايمپراطورلغى و ارثلى بولونان ملت ايله دوستلرينك منافع عموميه عميقه نامنه اولارق متحداً حركت ايد بيلمه لرى اچون يكدى كرى آراسنده دها صيقى معارفه و مقارنت حصوله كترمه لرى اقتضا ايدر . منافع مذكوره ، ايسه ملتله بر استقلال تام ايله سربستجه انكشاف امكانى تا ميين ايتمكدن عبارتدر .

او قراينا ماتى ، روح ملينك آمال مقدسه سى او غورنده پك چوق مزاحمه او غرامش و پك چوق مبارزه ايتمش اولديغندن ديكر ملتلك بو يولده كى آلام و اكدارينى ادراك ايد بيلير . بز او قراينا ليلرى ، تورك ملتله ربط ايدن اسكى و تاريخمى ك ا ك ا بى كونلرينه عا ئد رابطه لر موجوددر . بز ، بو كون تورك ملتله خطاب و مراجعت ايتمكده ،

اوقراينانك ائك اسكى وطنپرورلرى ايله ائك بويوك رجال دولتنك دعواسنى تعقيه دوام ايتمش اوليورز . بزم بو توجه و محبتلر من حقنده روس مطبوعاتى طرفدن ياپيلان وحشيانه ياغرم لره دشمن حدتله نيور، ديمك فنا بر موقعده بولونيور « ضرب مثلنده مندمج بولونان حقيقتى تايد ايتمش اولورلر .

آشاغنده تورك قارئلرينه تقديم ايتمكده اولديغمز مقاله لر اوقراينا احوالى حقنده كى لوحه بي اتمام و اكمل ايدم جكلردر . اوقراينا ملتلك مجادلات آمالندن تورك مطبوعاتى باشقه دفعه بحث ايتمشدى . بز ، مذكور مقاله لرك، بو ايكي ملت آراسنده دها صيقى بر مقارنت حصوله يارديم ايدم جكلرينى اميد ايله مكدم يز .

كانون اول ۱۹۱۴



اوقراينا وتوركيه

(له مبه رغ) دائره اتخابيه سني آوستريا پارلامنتوسنده تمثيل ايدن اوقراينالي مبعوثلرندن دوكتور (لوتقن چهه لسكي) طرفدن قلمه آلمشدر:

قره دكز سواحل شماليه سنده حكومت اوله رق آنجق روسيه يي طانيان و بحر مذكور وضعيت حاضره سياسييه سيله آرتق كسب الفت ايتمش اولان توركيه نسل حاضري، او قيلرده كي قوه حكومتك وسطوت عسكريه نك بوندن تقريباً ايكي يوز سنه اول ديكر بر قومشو دولتك آلتده بولمش اولديغني بلكه خاطرندن بيله كچير مامشدر. توركيه نك بواسكي قومشوسى ايله اولان مناسبات كاه خصمانه كاه دوستانه اولمش و بئاء عليه مختلف شكلره بورونمشدر. توركيه يه ايكي يوز سنه اولنه كلنجه يه قدر قومشولق ايتمش اولان بو حكومت اوقراينا حكومتي ايدى و بز بوراده حكومتينك مناسبات همجواريسى حقنده بعض تفصيلات وايضاحات و يرمك ايستيورز:

اون بشنجى عصر ك صوكلرينه و اون آلتنجى عصر ك بدايتنده باشلامش اولان تورك-اوقراينا مناسباتنك اشكال و شرائطنى تعين ايدن باشليجه عامل و كيفيت عثمانلى پادشاهلرينك تابعلى اولان قريم خانلرينك اوقرايناليلر ايله اولان مناسبتلريدن. قريم خانلغى ايسه قريم شبه جزيره سنك جنوبنده كائن طار براراضى پارچه سندن صرف نظر

ایدیلیرسه علی الا کثر عشاثر ایله مسکون اولمق حسیله عثمانلی - اوقراینا
 مناسباتی بالضروره خصومتکار بر ماهیتی حائز بولنیوردی .
 کوچبه لرك دائمی ویکانه ایشی و کوچی ، بر طرفدن مواشی رعای ایتک
 دیگر طرفدن کوله لرایله جاریه لر آلدی ایتک اوزره منتظماً اوقراینا
 اراضیسنه آقینلر یایمق ایدی . سنه لرحه سورن بوچاپوللر اوقراینالیلر
 ایچون عادتاً بر آفت سماویه قدر مدعش بر داهیه اولمش ایدی .
 وبونک نتیجه ضروریه سی اوله رق اوقراینالیلر اخذتار ایچون
 برچوق اسفاره کیریشدیلر که بو محاربه لر هم قره ده هم دکزده وقوع
 بولیوردی . اوقراینالیلرک ایکیده برده اجراسنه مجبور اولدقلری
 حربلر ایله تعقیب ایدیلن باشلیجه مقصدلردن بری ربقه اسارت
 آلتیده ایکلین اوقراینا ذکور و انائی قورتارمق ایدی . لکن
 اوقراینالی کوله و جاریه لر تاتارلر طرفدن ممالک عثمانیه سکنه سنه
 دخی صاتیلدیغی ایچون اوقراینالیلرک اسفار و محارباتنه محل جولان
 اولان یرلر یواش یواش قره دکزه قدر اوزانمش وبوساحه حرب
 کیت کیده بیویه رک اون آلتنجی عصرک صوکلرینه طوغری حاکمیت
 عثمانیه آلتنده کی قره دکز ساحلرینه قدر تجاوز ایدیله رک وارنه ،
 طربزون ، سینوب ، اسکدار و حتی در سعاده قارشوبیله هجوملر ترتیب
 اولمشدر . بوتورکیه ایله اوقراینالیلر آره سننده سنه لرحه دوام
 ایدن بر متمادی محاربات دورمسی اولدی . وتورکیه ده بریاندن دائمی
 صورتده کندیسی ایله حال مخصوصه ده بولنان (وهندیک) جمهوریتی
 طرفدن ، بریاندن ده پولونیا لیلر جانبندن اوقراینالیلر علیه تشویق و تحریک
 اولنیوردی .

مع مافیه تورکیه - اوقراینا مناسبات متقابله سی اون آلتنجی

عصرک اورتہ سندنہ اولدقچہ مهم بر تحولہ اوغرادى . چونکہ اوصردہ پولونیا ایله اوقراینا بیندہ آردى صوکی کلین محاربات شدیدہ باشلادی . وبومحاربات یانندہ قرہ دکزماوراسنہ قدر اوزادیلن اسفار اہمیتجہ ایکنجی درجہ یہ ایندی . لکن عثمانلی طوپراقارینہ قارشووقوع بولان تعرضات ومہاجماتک اسکی شدت واهمیتلرینی غائب ایتمسندہ دیگر برسبب دہا وارایدی . اودہ قریم خانلغنک اوتاریخلردہ یواش یواش کوچبہ لک حالندن چیقمسى و زراعی بر مملکت حالنی اکتساب ایتمک استعدادینی کوسترمکہ باشلامسیدر . بونک نتیجہ سی اولہرق تاتارلرک اسیر یاقہلق ایچون اوقراینا اراضیسنہ وقوع بولان ایلغارلری کیت کیدہ دہا سیرکلشدی . بودہ قرہ دکز طرفلرنندہ کی اوقراینا اسفارینک اجراسنہ سبب وسائق اولان احوالک اورتہ دن قالمسنى موجب اولدی . اوقراینا لیلرک اولا پولونیا لیلرہ وصوکرہ دن موسقوفلرہ قارشو کیریشدکلری محاربات کسب شدت ایتدکجہ اوقراینا - تورکیہ مناسباتی ایلشورایدی . وأوللری عداوتکارانہ اولان بومناسبات تدریجاً دوستانہ برماہیت آلہرق نہایت براتفاقہ منجر اولہ جق قدر صمیمیت پیدا ایتدی .

تورکیہ یہ قارشو مناسبات حسنہ پرورده ایتمک طریقہ عالی برذکا وواضح بر مقصد و غایہ ایله داخل اولان ایلك اوقراینا لی اوقراینانک بیوک ہہ تمانی (بوغدان شمشہ لیتسکی) اولدی کہ بووقعہ تقریباً ۱۶۵۰ تاریخنہ مصادفدر . مومی ایہ پولونیا یہ قارشو اجرا ایتدیکی محاربہ دن غالب چیقہ بیلیمک ایچون قریم خانلغیلہ عقد اتفاق ایلدی . لکن بو خانلق دولت عثمانیہ یہ تابع اولدیغی ایچون (شمشہ لیتسکی) تورکیہ ایله

دخی بر مقارنت تأسیس ایتدی. اوزمان تورکیه ده سلطان محمد رابع
 حضرتلری تحت نشین بولنیور و مشهور کوپرلی محمد پاشاده مسند
 صدارتی اشغال ای دیوردی. حکومت عثمانیه او قرائنا ایله حاصل اولان
 مناسبات جدیده بی پک جدی تلقی ایتدیکی حالده قریم تاتارلری او قرائنا ایله
 بینرند. موجود اتفاقی او قرائنا ده بول بول کوله و جاریه طوپلامق ایچون
 بر حسن وسیله عدا ایتدی لر. بوندن او قرائنا ایله قریم خانلغی بیننده بر طاقم
 اختلافات طوغدی. عثمانلی پادشاهی ایسه پولونیا لیلره قارشو او قرائنا-
 لیلره معاونت ایتسنی قریم خاننه امر و اخطار ایتک صورتیه اختلاف
 واقعی او قرائنا لیلرک لهنه حل و تسویه ایلدی. بو خدمته قارشو بر مقابله
 جمیله کارانه اولمق اوزره (شمه لیتسکی) او قرائنا لیلرجه تورکیه ایله
 مختصماته ابتدار اولمسی حقنده و ندیک لیلرجه وقوع. بولان تشویقاته
 حواله سمع اعتبار ایتدی و وندیک جمهوریتک او قرائنا حکومتی نزدنده کی
 سفیری بولنان سناتور (وه مینا Vemina) نک بو زمینده مصروف
 بوتون مساعیسی تمامیه عقیم قالدی. دولت عثمانیه (شمه لیتسکی) یه قارشو
 او قدر خیر خواه طاورانیوردی که مومی الیه طرفندن مخدومی (طیموش
 Tymosch) ک بغداد امارتی تخته اجلاسی ایچون قوریلن پلانی ضمناً
 قبول و تصویب ایلدی. مع مافیه (طیموش) پولونیا لیلر ایله وقوع بولان
 محارباتک برنده تلف اولدیغندن تصورک اجراسنه بالطبع امکان قالدی.
 در سعادت ایله او قرائنا میاننده کی مناسبات زمان ایله او قدر
 صمیمیلشدی که ۱۶۵۰ سنه سنده استانبوله بر او قرائنا هیئت سفارتی
 کوندرادی .

سفیر، پولونیا یه قارشو او قرائنا یه حکومت عثمانیه جه ایفای معاونت
 ایدلمسینه بدل او قرائنا حکومتک تورکیه یه تابع و خر جکدار حکومتات

اعدادینه داخل اولغه آماده بولندیغنی باب عالی یه بیلدیرمکه مامور ایدلمش ایدی . عثمانلی پادشاهنک برفرمانیله (شمه لیتسکی) دولت عثمانیه نك تکلیف واقعه اجابت ایتدیکندن خبردار ایدلدی . وبویله جه تورکیه ایله اوقراینا آره سنده اوچ سنه دوام ایدن برتابعیت و متبوعیت رابطه سی حاصل اولدی . دولت عثمانیه (شمه لیتسکی) یه پولونیا ایله کیریشدیکی مشکل محاربه ده الندن کلدیکی قدر معاونت کوستره رک قوای معاونه یی بالذات سوق و اداره ایتسنی قریم خاننه امر و تنیه ایدلدی . مع مافیله اونلر کندیله رینه مخصوص بر سیاست تعقیب ایدیورلردی . اونلر (شمه لیتسکی) نك قوت و قدرتی لزومندن فضلله بیوک کوردکلری ایچون پولونیا لیلرک جهته کچه رک بونلر ایله برلکده اوقراینا لیلره قارشو محاربه ایتمکه باشلادیلر . تاتارلرک بو طرز حرکتلری بالضروره عثمانلی - اوقراینا مناسباتنی گوشه تدی ونهایت ۱۶۵۴ سنه سنده آره ده کی رابطه لر بوس بوتون چوزولدی . پولونیا لیلر طرفندن پک فنا صیقیشدیریلن (شمه لیتسکی) بو وضعیتدن قورتولمق ایچون ینه ۱۶۵۴ تاریخنده روسیه نك تابعیتی آلتنه کیرمک اضطرارنده قالدی .

هه تمان (شمه لیتسکی) نك وفاتندن سو کوره اوقراینا ایله موسقوف چارلغی آره سنده برسلسله محاربات باشلادی . محاربات مذ کوره کمال شدتله دوام ایتدیکی بر صره ده اوقراینا تاریخنک اک بیوک سیالرندن بری اولان هه تمان (په ترو دوروشه نقو Petro Dorochenko) سلفی (شمه لیتسکی) نك اثرینه اقتضاء دولت عثمانیه ایله تکرار تأسیس مناسبت ایدمک نهایت باب عالی ایله بر مقاوله عقد ایدلدی که بونک احکامنجه اوقراینا تکرار تورکیه یه قارشو تابع بر حکومت منزله سنه

ایندی . بوکامقابل حکومت عثمانیه بوتون اوقراینا اراضینک تخیصی و تکمیل اوقراینا لیلرک ملی بر حکومت آلتنده توحیدی مقصدیله پولونیا یه و روسیه یه قارشو کیریشیله جک بر محاربه ده اوقراینا لیلره معاونت ایتمکی (دوروشه نقو) یه قارشو درعه ده ایلیوردی . بو معاهده نك عقدینی تعقیب ایدن محاربه ده تورکیه فی الحقیقه بوتون قوای عسکر به سیاه (دوروشه نقو) نك طرفنی التزام ایندی .

سلطان محمد رابع (دوروشه نقو) نك قوتلری ایله برلکده پولونیا یه قارشو یورودی و (قامه نه تس پودولسکی) شهرینی هجوم ایله ضبط ایتمکدن سوکره (له مبرغ) قلعه سنی تحت محاصره یه آلدی . بوموفقیات قارشو سنده پولونیا حربدن وازچمکه و ۱۶۷۲ ده عقد اولنان روسچوق معاهده سیله تورکیه یه (پودولیا) قطعه سنی ترک ایتمکه و فضله اوله رقدده اوقراینانک استقلالنی تصدیق ایلمکه مجبور اولدی .

مع مافیه برقاچ سنه سوکره روسیه فائق قوتلریله (دوروشه نقو) یه قارشو یورویجه و مومی الیه ده بوسفر تورکیه دن امداد آلمایجه کندیسی ایچون اوچ سنه امتداد ایدن معنده نه بر مبارزه دن سوکره دشمنه رام و تسلیم اولمقدن بشقه بر چاره قالمدی .

(دوروشه نقو) روسلر طرفدن اسیرایدیله رک شمالده کائن شهرلردن برنده اقامته مأمور اولندی . حکومت عثمانیه ۱۶۷۷ و ۱۶۷۸ سنه لرنده (دنیه بهر) ک غربنده کائن اوقراینا اقسامنی اشغال ایتمک تشبثنده بولنش ایسه ده حکومت مذکوره جه اوقراینا پرنسلیکنه نصب و تعیین ایدیلمن متوفی (بوغدان شمه لیتسکی) نك مخدومی (جوریج شمه لیتسکی) اوقراینا لیلرک محبت و توجهنی قزانه مدیغندن حکومت عثمانیه نك بالاده کی تشبثی محکوم عقامت اولدی . تورکیه اوصردده

آوستریا خاندان ایمپراطوریسی (ہابسبورغ) لره قارشو حرب آچدیغندن او قرائناده کی نفوذندن واز کچمکه مجبور اولدی .

(شمه لیتسکی) نك تورکیه ایله صیقی مناسباته کیریشمک خصوصندہ کی تصورات و ترتیباتی احیا ایتمک ایستہین اوچنجی او قرائنالی سیاسی ہہتمان (ایوان مازہپا) نك (فیلیپ اورسیق Phiipp Orsyk) نامندہ کی باش کاتبی و وکیل اموری ایدی . مومی الیہ (پولتاوا) محاربه سندن (۱۷۰۹) و (ایوان مازہپا) نك اوزمان عثمانلی اراضیسندہ کائن (آق کرمان) ده وقوع وفاتندن سوکرہ عثمانلی طوپراغندہ او قرائنا اردوسنک فرارحائندہ بولنان انقاض وبقایاسیله برمدت قالہرق اورادن (منفی ہہتمان) صفتیله ہہتمانلق مسندینہ تعیین و انتخاب اولندی . ایستہ او اثنادہ ایدی کہ برطرفدن بو (اورسیق) ، برطرفدن ده اسوچ قرالی اون ایکنجی شارل - کہ بو حکمدار دخی (پولتاوا) مغلوبیتندن سوکرہ ممالک عثمانیہ یه التجا ایتمش ایدی - و دیگر طرفدن سلطان احمد ثالث آرہ سندہ بر معاہدہ عقد اولندی . بونک احکامنجه تورکیه ، اسوچ و او قرائنا روسیہ یه قارشو براتفاقہ کیریشہ رک تورکیه و اسوچ حکومتلری ، روسیہ عالیہنہ اجرا ایدہ جکی محاربه لردہ ہہتمان (اورلیق) ہ معاونتدہ بولمخنی و او قرائنالی ده کندی زیر حمایہ لرینہ آلمخی درعہدہ ایدیورلردی . بو معاہدہ عقدنی تعقیب ایدوب برقاق سنہ دوام ایدن محاربات اثناسندہ تورکیه (پروت) معاہدہ سیله روسیہ یی او قرائنادن جبراً واز کچیرمکه موفق اولدی ایسہدہ تام اوزہنکامدہ حکومت عثمانیہ آوستریا ایله یکیدن حربہ طوتوشدینگی ایچون روسیہ یی (پروت) معاہدہ سی احکامنی اجرایہ اجبار ایدہ مدی . بونک اوزرینہ (اورلیق) اسوچہ ہجرت ایتمک

مجبوریتندہ قالمش و روسیہ تمللی صورتدہ اوقراینایہ یرلشمشدر . روسیہ بالاخرہ قریم شہہ جزیرہ سنی ، قفقاسیا قطعہ سنی و قرہ دکزک سواحل شمالیہ سندیہ کائن عثمانلی اراضی سنی اشغال ایدہ رک نہایت بالذات تورکیہ بی تہدیدہ باشلادی . اکر تورکیہ تام وقت وزمانندہ (شمہ لیتسکی) ، (دوروشہ نقو) و (اورلیق) ہہ تمانلرینہ ایفای معاونت ایتمش اولسہ ایدی ہپ بونلر اولیہ جق و اوقراینایہ تورکیہ ایچون روسیہ یہ قارشو برسپر مدافعہ اولمقدہ بر دوام بولنہ جق ایدی . عثمانلی - اوقراینایہ مناسباتنک اک صوک حادثہ تاریخہ سی (ساپوروح سیچ) دنیلن اوقراینایہ لیلرک طریقت شکلندہ برتشکیلات عسکریہ نک ۱۷۷۵ تاریخندہ دولت عثمانیہ نک حاکمیتی آلتہ کیرمسندن عبارت قالدی . لکن عینی سنہ روسیہ ، آشاغی (دنیہ پەر) اوزرنندہ کائن (سیچ) قلعہ سنی طوپہ طوتہ رق (دنیہ پەر) نہرینک شلالہ لرندن قرہ دکزہ قدر ممتد اولان (ساپوروح) جمہوریتنک اراضی سنیہ وضع یدایلدی . (ساپوروح) جمہوریت عسکریہ سی افرادندن باقی قالانلر کرک برآ و کرک بحر عثمانلی طوپراغنہ کچہ رک حکومت عثمانیہ نک مساعدہ سی ایلہ مختار برتشکیلات عسکریہ شکل و صورتندہ طونہ منصب لرندہ کائن آطہ لرہ یرلشمشدر . بورادہ (طونہ - سیچ) نامنی آلان و بو نام ایلہ دە یاد و ذکر اولنان بو محاربین کروہی اوقراینایہ لیلرک صوک تشکیلات عسکریہ سی ایدی کہ ۱۸۲۸ سنہ سنہ قدر یعنی او تاریخندہ ظہور ایدن عثمانلی - روس محاربہ سنہ دکن پایدار اولہ بیلمشدر . بو (ساپوروح) لرک اخفادی آلان دوبریجہ طرف لرندہ کی آطہ لرده یشامقدہ و جزئی بر قسمی دە بروسہ جوارینہ ہجرت ایلہ اورادہ اختیار اقامت ایتکدہ درلر .

تورکیہ بی اون یدنجی و اون سکزنجی عصر لرده اوقراینایہ

روسیه یه قارشو بر سپر مدافعه عدايمکه سوق ایدن اسباب، روسیه نك
 سطوتی بالقانلر و حکومت عثمانیه ایچون بو قدر تهدید آور بر درجه بی
 بولدیغی شوزمانلرده، اسکیسندن بیله فضله بر قوت ایله الآن موجوددر.
 روسیه نك بوغازلره و درسعاده طوغری ایلری حرکتی، آنجق
 بوغازلرایله استانبول روسلرک انه کچدکن صوکره و یاخود روسیه شماله
 طوغری اوقراینا حدودلرینک کریلرینه آتیلدقن صوکره نهایت
 بوله جقدر. صدر اعظم کوپرلی محمد پاشانک تصویرى وجهله اوقراینا
 حکومتنک تشکیلی و یا دها طوغریسی یکیدن احیا و تأسیسی تورکیه نك
 طوغریدن طوغری یه منفعتی اقتضاسندن بولنیور.



کیهف شهری معلملرندن پروفیسور (میخایلو قروشونسکی) نك
 بر مقاله سی

اوقراینا تاریخنه رجعی و تدقیقی بر نظر (۱)

شرق اسلاواقوامی، حال حاضرده (اوقراینا) حدودلری

(۱) ناشرلرک ملاحظه سی: بو مقاله پارسده چیقان «Les Annales des Nationalités» نام رساله موقوته نك ۳ و ۴ نومرولی نسخه لرنده (۱۹۱۳ سنه سی) انتشار ایتش ایدی. مقاله بی یازان ذات (اوقراینا) حرکت ملیه سنك رؤسای معروفه سنندن و (کیهف) شهرینک اک بنام عالملرندندر. کندیسی شو کانون اول آبی ایچنده روس حکومتی طرفندن تحت توقیفه آلندی. بالطبع بالاده کی مقاله نه (Les Annales des Nationalités) رساله سنك مدیر و ناشرینک، نه ده صاحب مقاله نك رضا و موافقتلری اولقسزین ترجمه

اعتبار اولنان خطوط مفروضه داخلنده کی اراضی یه ، قبل المیلاد بشنچی
 عصرک سوکلرینه طوغری صورت قطعیه و دائمه ده یرلشمش لردر .
 او تاریخدن اول اقوام مذکوره آنجق (اوقراینا) نك جسم اورمانلر
 ایله مستور حوالی شمالیه سنده ساکن بولنمقده ایدیلر . اوقراینانك
 اقسام جنوبیه سی ایسه اوزمان بشقه برطاقم اقوامه محل اقامت وجولان
 اولمقده ایدی . (اوقراینا) ملتی بر طرفدن قره دکنر ساحل لریله
 (دون) نه ری قیلرینه دیگر طرفدن (قاریات) طاغری اتکلرینه
 قدر اوزانان ممالک واسعه یه یاییلوب یرلشدکن سوکره بو اراضی
 فیسخه داخلنده آیری آیری بر چوق قبائل حالنده دمکندار اولمغه
 باشلامشدر . بو قبائلدن بری ویا بر قاجی طرفدن وجوده کتیریلن
 جماعتیسی حکومتجکلر بر طاقم پرنس لرنک تحت اداره سننده
 بولنیوردی . بو پرنس لردن (کیه ف) حوالیسنه فرمان فرما
 اولانلر یواش یواش دیگر ملوکی کندی انقیادلری آلتنه آلمغه موفق
 اولدیلر .

بو (کیه ف) پرنس لری طقوزنجی عصرده شمدیکی (اوقراینا) نك همان
 قسم اعظمه صاحب و مالک بولنیور لردی . بو ممالک ایسه علی الاطلاق

اولنیور . چونکه حال حرب سببیه بو ایکی ذات ایله مخابره ایدوب
 بو بابده کی مساعده لرینی استحصال ایتک ممکن دکلدر . محرر مقاله نك
 کندیسنه طائشه قسزین صرف حسیات و اسباب وطن پرورانه سوقیله اثرینی نشر
 ایتمه مزى شایان عفو بر حرکت صایه جفنی امید ایلرز . مع مافیله بز بوکا آنجق
 و محضا حقلى دعوا مزى اسماع و مدافعه ایچون تصدی ایدیورز . بناءً علیه
 صاحب مقاله نك الیوم ایچنده بولندیغمز احوال استثنائییه و فوق العاده نك مقتضیات
 ضروریه سنی نظر اعتباره آلهرق بزى معذور کوره جکینی قویاً امید ایلرز .

(روس) نامیله یاد و ذکر ایدیلیدی [۱]. آرهدن آز بروقت کچنجه (کیهف) ملوکی شرقی اسلاواقوامنه عائد اراضی بی زیرتمک و تصرفلرینه آلدیلر. روسیهده بیاض روسلر (Byelorussy) و بیوک روسلر (Vyelikorussy) اسملریله متعارف عروق ایشته بو شرقی اسلاواقوامندن انشعاب ایلشدیر. (کیهف) حکمدارلری بوندن بشقه (لیتوانی) و (فینلاندا) اقوامنه منسوب اولوب (نیهمه ن) و (بالطیش دوونا) نهرلری طرفدن اسقا اولسان اراضی ایله بالطق دکزینک شرقنده کی بیوک کوللرک کنارلرنده (وولغا) نهرینک منبعنده کائن یرلری پیدرپی ضبط واستیلا ایتدیلر. ذاتاً و اساساً بیوک برمملکت اولان (کیهف) حکومتک اتساع و انبساطی او تبحی عصرده اجرای سلطنت ایتش اولان (کیهف) پرنس لرینک و از جمله (اوله غ Oleg) نامنده کی ملک ایله (اولغا Olgal) اسمنده کی زوجه سنک و مخدوملری (سویاستوسلاو Swjastoslaw) ک ثمره غیرت و فعالیتی عد اولئیور. بو صوکنجی ملکک اوغلی (وولودیمیر Wolodymyr) ۹۸۸ تاریخ میلادیسنه طوغری تحت حاکمیتده کی قطعات اهلینسه اورتودوقس خریستیانلغنی قبول ایتدیرمشدر. روم اورتودوقس مذهبی و روم - یونان ادبیات و صنایعی کرک (اوقرایننا) ممالکنه کرک بو مملکت ایله همجوار اولان حوالی یه اساسلی بر صورتده نفوذ و حلول ایتمه ک باشلادیغی بر زمانده پرنس (وولودیمیر) ایله اخلافی او وقته قدر آنجق صرف اوقراینالی ایالتلرده موجود و جاری اولان حقوق و اصول اداره بی حکومتلرینک بوتون اقسامنه تطبیق و تعمیمه

[۱] بو (روس) اسمنک اصل و منشأی معلوم دکلدر. آنجق شوراسی ثابت و محققدر که بو (روس) تعبیری طقوزنجی عصردن بری (کیهف) شهرینک کائن اولدینی حوالی یه علم اولمشدر.

(Wolodymyrko) ، (یاروسلاو Yaroslaw) و (رومان Roman) نامندہ کی پرنسز ایلہ (دانیلو Danylo) اسمندہ کی قرالدر .
 بوسوک قرالک دور حکومتی اٹناسندہ و ۱۲۴۰ تاریخ میلادیسندہ بعض اقوام، شرقدن او قرائنا یہ آقین وصولت ایدرک (کیهف) و (چہ رنجیو Tschernyhiw) شہر لری ایلہ دیگر برچوق بلادی خاک ایلہ یکسان ایتدیلر . بوجوم واستیلا سبیلہ او قرائنا ممالکنک (دنیہ پەر) نہرینک ایکی ساحلندہ کائن اقسامی بوتون معناسیلہ بر خرابہ زارہ دوندی .
 (گالیچیا) و (وولہینیا) طرفلری صولت تخریبکارانہ دن بالنسبہ دہا مصون قالدیغی ایچون تشکیلات مستقلہ سیاسیہ لرینی دہا یوز سنہ محافظہ ایدہ بیلدیلر . بویوزسنہ لک دور اٹناسندہ اورادہ زمام حکومتی اللرنده طومش اولان اک معروف و ممتاز حکمدار لر یوقاریدہ اسمی سبق ایدن (دانیلو) دن بشقہ مومی الہک اوغلی (لہو Lew) ویکنی (زوریج Zuriij) اولمشدر .

اون دردنجی عصرده (لیتوانی) پرنس لری او قرائنا نیک پارچہ لشمش ایالتلرینی کندی حکومتلرینہ الحاق ایتمکہ موفق اولدیلر . بوملوک او قرائنا لیلرک عادات و آداب معاشرتنہ طوقتمق شویلہ طورسون بالعکس او قرائنا لیلرک لسانی ، قوانین و مدنیتنی بیلہ قبول ایتدیلر .
 (لیتوانی) پرنس لری (گالیچیا - وولہینیا) حکومتی ایلہ صیقی ہمجو اراق روابطنی تأسیس وادامہ ایتدیلر . حق کندی خاندانلرینہ منسوب (لوبار Loubart) نامندہ بر پرنس (گالیچ) شہری اصیلزادگانی طرفدن - کہ بونلرہ (بویار Boyar) دنیردی - ۱۳۴۰ تاریخندہ (گالیچیا - وولہینیا) حکومتک قرالغنه بیلہ نصب و انتخاب اولندی .
 مع مافیہ اوتاریخلردہ (گالیچ) شہریلہ حوالیسنک ضیطی ایچون

(گالیچیا) حکومتیاه محاربه یه کیریشن پولونیا قرالردن (قازیمیر Kasimir) بو حربدن نهایت غالب چیقدیغی ایچون (گالیچ) پولونیا- لیلرک ید اشغال و تصرفه کچدی . بومغلوبیت اوزرینه پرنس (لوبار) ک آئنده آنجق (وولهدینیا) قطعه سیله دیکر بعضی اراضی پارچه لری قالدی . لکن (دنیه پهر) نهرینک صولادیغی حوالیده دخی (لیتوآنی) سلاله حکمداریسنه منسوب پرنس لرک تحت اداره سنده اوله رق بعض اوفاق او قرائنالی حکومتلری دخی استقلال اوزره پایدار اوله بیلمشلردی . او قرائینا حکومتی هنوز (کیف) دن اداره اولندیغی زمان حائز بولندیغی تشکیلات سیاسی و مدنیه عنعناتی بو اوفاق پرنس لکلرده اون بشنجی عصرک نصف ثانیسنه قدر دوام ایده کلمشدر .

(لیتوآنی) قطعه سی عن اصل لیتوآنیالی اولان (یاهایلو Yahaylo) نامنده بر قرالک زمان سلطنتنده (۱۳۸۶) پولونیا ایله برلشدی . بو توحید ممالک کیفیتی نتیجه سی اوله رق بوتون او قرائینا امارتلری و ایالتلری (لیتوآنی - پولونیا) حکومتک اجزای متممه سی اعدادینه داخل اولدیلر . بالآخره ۱۵۶۹ سنه سنده او قرائینانک اقسام مرکزیه و شرقیه سی (لیتوآنی) دن بوس بوتون آیریلتیلمش و بونک اوزرینه بو قطعات یالکز پولونیانک زیر حاکمیت و اداره سنده قالمشدر . پولونیا لیلرک زمان حاکمیتنده او قرائینا ملتی پک فنا کونلر کوردی ویشادی . تکمیل حقوق سیاسیه منحصرأ پولونیا لیلرک آئنده بولمقده و او قرائینا لیلردن هیچ کیمسه نک رسمی مأموریتلره تعیین ایدلما سی عادتاً بر قاعده عمومیه حکمنده ایدی . حتی او قرائینا لیلرک تجارت و صنعت ایله سربسته جه اشتغاللرینه بیه جواز کوسترلمیوردی . پولونیا ده بر موقع اجتماعی احراز و اکتساب ایده بیلیمک ایچون چفتلکات جسمیه یه مالک

او قراينالبرايه على العموم ثروت و ذكا صاحبى اولان هم قلىرى كندى
 دينلىرى اولان اور تودوقسلنى، كندى لسان مادرزادلىرىنى و حتى كندى
 ملتلىرىنى تركه و پولونىالى صفت و ماهيتنى احرازه مجبور ايدىلر. چونكه
 اونلر خالص پولونىالىلر طرفندن اولديغى قدر زمان ايله پولونىالىلشمش
 اولان كندى عرقداشلىرى دجى انواع تضديقات و تعذيباته معروض
 قىلىنىوردى. بو تعدييات و اعتسافاتدن قور توله بيلمك ايجون او قراينالىلر
 « اخوان جمعيتلىرى » نامى آلتنده بر طاقم هيئات سياسيه يي وجوده
 كتيردىلر. بو جمعيتلره مترتب و وظائف، حقوق مليه و ديانت اصلينه
 محافظه سنه و انكشافنه خدمت و اهالى آره سنه نور معرفتى نشر ايلك
 خصوصاتندن عبات بولنىوردى. بو اخوان جمعيتلىرىنى ك مشهورلىرى
 (له مبرغ Lemberg)، (لودسك Ludzk) و (كيهف) شهرلرنده
 واقع اولانلر ايدى. بونلر بالخاصه اون آلتنجى عصر ك او اخرينه
 و اون يدنجى قرن ك اوائلنه طوغرى بيوك بر نفوذ و اهميت كسب ايتدىلر.
 صرف ايتدكلىرى غيرت و فعاليت مكاتبرك، خسته خانه لرك
 تأسيسى، ارباب علم و فنك توحيدى و كتب نافعنه ك طبع و نشرى
 كى خدمات و اجر آتده تجلى ايدىوردى. بو حركت تنويريه و تمدنيه
 اون يدنجى عصرده او قرايناقزاقلىرىنى ك قوه مسلحه سنه استناد ايدىوردى.
 بو قزاقلر، باشلرنده سردارلىرى (هه تمان) لر اولديغى حالده او قراينالىلرك
 حریت و سربستىنى پولونه ز تجاوزلرينه قارشو مدافعه يه دائما آماده
 و خواهشكر ايدىلر. اوزمان بو جنك اورلر او قرايناده بيوك بر قوته مالك
 بولنىوردى. ده ا اون بشنجى عصرده (دنیه پهر) نهرينك
 ايكى ساحلنده كى حوالى صوده و قره ده آوجيلغى و جنك وجدالى
 كندىلرينه باشليجه مشغله بيلن قزاقلر ايله مسكون ايدى. بو قزاقلرك

عددی چوغالدقچه کیریشدکلی اسفار برقات دها جراتکار بر شکل آلمقده واونلر ایچون اونسبتده موجب شان وشرف اولمقده ایدی . قزاقلرک تشکیلات عسکریه سی کسب قوت ایتدکن صوکره اونلر شرقی اوقرانیاده کی جسم اووه لره اوقرایننا کویایلرینک یرلشمسنی تسهیل یولنده اقداماتده بولندیلر . چونکه اوقراینانک آیالات سائره سنده مقیم اوقراینایلر قارشوروا کوریلن مظالم واعتسافات دها اون آلتنجی عصرده تزیاد ایتدیکندن او قوم ایچون حوالی شرقیه هجرت وفرار ایتک مجبورتی حاصل اولمش ایدی .

کندی حقوق ملیه لرینی مدافعه وتوسیع ایچون قزاقلر بر قاج دفعه پولونیا لیره تعرض وهجوم ایتدیلر . ایلك قزاق - پولونیا محارباتی (قوسینسکی Kossinski)، (لوبودا Loboda) و (نالویا یکو Nalywajko) نام هه تمانلرک سوق واداره سی آلتنده ۱۵۹۱ و ۱۵۹۶ سنه لری آره سنده وقوع بولدی . بر مدت سه کره (صاحاجداتچنی Ssahajdatschnyi) نامنده دیگر بر قزاق سرداری قزاقلرک خدماتی و پولونیا حدود لرینی تاتارلره قارشو مدافعه امرنده کی مساعیلری پولونیا قرالی نزدنده مظهر تقدیر اوله رق بوکا مکافاتاً او حکمدارک اوقراینایلر قارشو دها زیاده عدل ورافت ایله معامله ایده جکی امیدیه تحت اداره سنده کی قزاقلرجه چیقاریلن عصیانلری باصدیرمغه غیرت ایتدی . مع مافیه بو هه تمانک وقوع وفاتی اوزرینه قزاقلر آره سنده پولونیا حاکمینه قارشو یکیدن قیاملر باش کوشترمش وبونلر ۱۶۲۵ و ۱۶۳۰ سنه لرنده غایت شدتلی محارباته بادی اولمشدر . ۱۶۳۲ تاریخنده پولونیا تاج قرالیسنه یکی بر حکمدار جالس اولدی . مومی الیه اوقراینایلرک اوزمان کنسیدیلری ایچون ملی بر علامت رمزیه عد ایتدکلی

اورتودوکس مذهبی اوزرینه آیین روحانیلرک اجراسنجه او ملتبه بعضی حقوق و امتیازات بخش ایلدی. بوکا رغماً قزاقلرایله پولونیالیلر بئینده ناثره حرب تکرار اشتعال ایلدی و (پاولوک Paoluk)، (اوستریانچه Ostrjanyza) و (هونیا Hunyia) نامنده کی هه تمانلر زماننده طرفین متعدد دفعه لر چارپیشدی. بو محارباتده احراز ظفر ایدن پولونیالیلر کندیله رینه تامیله لایق و جسیبان اولان بر اصول اداره بی اوقراینایه تطبیق ایلدی. اوقراینالیلر اون سنه مدته هر درلو ستم و جفایه قارشو سس چیقارماق مجبوریتده بولندیلر. بو مدت دره بکلک طرزنده متشکل پولونیا اصیلزادگان تشکیلاتنک اک بیوک اهمیت و وسعتی احراز ایلدیکی و قوم حاکم موقعنده بولسان پولونیالیلرک نفوذ و تفوقی درجه قصوایه واصل اولدیغی بر هنکامدر. اوقراینالی کویلیلری دره بکلرک زیر تحکمنده (سهرف) یعنی نیم کوله بر حالدیه یشامامق ایچون قریه لرینی ترک ایدرک پولونیا حدودلرندن ممکن اولدیغی قدر اوزاق یرلره، (دون) نهرینک ساحلرنده کائن ایصنر صحرالره جان آتدیله. ایشته بو صورتله درکه اونیدنجی عصرک اواسطنده بو چپلاق، بیابان چوللر اوقراینالیلره وطن ثانی اولدی. فراریلر بو حوالیه (اسلوبیدسقا اوقراینایا Slobidska Ukraina) آدینی قویدیلهرکه بونک معناسی (سربست کویله اوقرایناسی) دیمکدر. لکن قزاقلر دخی پولونیالیلرک تضیقاتندن او زمان صوک درجه دلکیر و بیزار اولدقلری ایچون ۱۶۴۸ ده (بوغدان شمه لیتسکی Bogdan Chmelnytzkyi) نام معروف هه تمانک اداره سی آلتنده بیوک بر اختلال چیقاردیلرکه بو قیام اونلرک غالبیتی ایله ختام بولدی. بو هه تمانک مظفریتی (چهرنیف Zschernyhiw) و (پولتاوا Poltova) دن

(غالیچ) . قدر ممتد اولان بوتون اوقراینا قطعاتی اها لیسنگ سلاح عصیانہ صاریلمسنہ سبب اولدی . (شمه لیتسکی) پولونیا اردوسنی مطلق و قطعی بر انہزامہ اوغراتہرق پولونیا لیری اوقراینادن تمامیہ طرد و تبعید ایلدی . اوقراینا بی استقبالدہ پولونیا نیک تجاوزاتنہ قارشو محافظہ و مدافعہ ایدہ بیلمک ایچون (شمه لیتسکی) دولت عثمانیہ دن

وترانسیلوانیا = (اردہل) حکومتدن طلب معاونت ایلدی . لکن تورکیہ او زمان اوقراینا لیرہ یاردم ایدہ جک بر حالده بولمدیغندن (شمه لیتسکی) نہایت مملکتی موسقووا چارینک زیر حمایہ سنہ وضع و تودیع ایلدی . مع مافیہ چوق کچمہ دن کندیسی موسقوہ اصلن اذکانک (بویارلرک) اوقراینا بی کندی لیرینہ مال ایتک و اورایہ کندی اداره نرینی صومق ایستد کلرینی آکلادیغی ایچون اسوچ قرالیہ پولونیا یہ قارشو براتفاق عقد ایدرک بو اتفاق و معاونت سایہ سنده حر و مستقل بر اوقراینا حکومتی تأسیس املنہ دوشدی . مع مافیہ اونک ۱۶۵۷ تاریخندہ وقوع بولان وفاتی بوتصورک قوہ دن فعلاہ چیقارلمسنہ مانع اولدی .

(شمه لیتسکی) نک عجنہ فعالیت و اجرا آتدن افولی اوزرینہ اوقراینا لیر ایچون (ایوان ویہووسکی Iwan Wyhowskyi) ، (پترو دوروشہ نقو Petro Dorochenko) ، (دامیان منوحو حریچنی Iwan Mnohohrischnyi) ، (ایوان سامیلیوویچ Iwan Ssamiljowitch) و (ایوان مازہ پا Iwan Mazeppa) نامہ تمانلر برر مکمل قوماندان کسیدیلر . اوقراینا محافل موسقوف اداره سنک اوقراینادہ تأسیسنہ اصلا راضی اولمق ایستہ مدکلری ایچون موسقوو چارلغنک بویولده تشبثلرینہ قارشو او محافل ایکیده بر اعلان عصیاندن کبری قالمیوردی . اوقراینادہ کی فرقه لردن بعضیلری پولونیا ایله یکی بر اتحاد

حصولی التزام ایتدکلی کبی دیگر بعض فرقه‌لر بواتحادك حکومت عثمانیه ایله وقوع بولسنی طلب وترویج ایدیورلردی . مع مافیہ ملت بواتحادلك نه برنجیسنی نه ده ایکنجیسنی ایستیوردی . بوتشتت وتفرقه یوزندن اوقراینا کیت کیده ده‌ها زیاده ورطه انقراض وانحطاطك کنارینه طوغری یووارلیوردی . نهایت او مملکت ایکی یه تقسیم اولنه رق ۱۶۶۷ تاریخی محاربه دن سوکره موسقوف چارلی (دنیه پهر) نهرینك صاغ یاقه سنده کی اوقراینا قسمنی پولونیا یه ترک ایلدی . موسقوف بویارلری اوقراینا ده کی مختاریت اداره یرینه کندی طرز حکومتلرینی تأسیس واقامه ایچون هر فرصتدن استفاده ایتدیلر . اوقراینا لیلرک موسقوف اداره وحا کمیتته قارشو صوک عصیانلری ۱۷۰۸ سنه سنده وقوع بولدی . او زمان (ایوان مازه‌پا) هه تمانی چار دلی پترو ایله حال حربده بولنان اسوج قرالندن طلب معاونت ایلدی . بو قرال ، اردولری ایله اوقراینا اراضیسنه داخل اولدیغی وقت کندیسنه اوقراینا لیلر مملکتلرینی موسقوف بویوندوروغندن قورتارمنی وبوقطعه بی مستقل بر حکومت حالنه افراغی تکلیف ایلدیلر . بومناسبتله اوقراینا لیلر اوقراینا نك استقلالی ایچون بر زمانلر (شمه لیتسکی) هه تمانه وقوع بولان وعدلرینی اسوچ لیلرک خاطرینه کتیردیلر . هه تمان (مازه‌پا) کندی قزاق آلایلرینی اسوچ اردوسیله برلشیدرکدن سوکره بوتون اوقراینا بی چارلق اوزرینه یوروتمک تصوری بیلیوردی . لکن خصمانسک قوتلرندن قات قات مهم قوتلره مالک اولان چار دلی پترو بر طرفدن اوقراینا عصیانی باصدیردی و دیگر طرفدن اسوچ اردوسنی مغلوب ایدرک اسوچ قرالنی اوقراینا حدودلری اوزرندن تا عثمانلی

الكاسنه قدر آتدی (۱۷۰۹). (مازه‌پا) آز بر زمان صوكره اسوچ اردو كاهنده ترك حیات ایلدی .

او قرايناليلرك بو عصيانی چار دلی پترونك صوك درجه حدتی موجب اولدی و كندیسنه هه تمانلرك حكم و تاثیرینه نهایت ویرمك و او قراينایی روس مأمورلری واسطه سیله اداره ایتدیرمك فکریلرینی القا ایتدی. مع مافیہ مومی الیه بو تصورینی در حال موقع فعله قویمدی. بوکا مقدمه اولق اوزره چار یکی برهه تمانك تعیینی ایچون وقوع بولان ایلک انتخابده نامزدلر ایچندن اك آز درایتلیسنی قبول و تصدیق ایدمرك - چونکه کندیسی قزاقلر طرفندن انتخاب ایدیلن نامزدلردن برینی سائرلره ترجیحاً قبول ایتمك حقنی حائز بولنیوردی - مومی الیه بوهه تمانك وفاتندن صوكره یکیدن انتخابات اجراسنه مساعده ایتدی و او قراينا حكومتك باشنه بر روس جنرالنی كتیردی . کذا او قراينا لسانیه یازلمش کتابلرك طبع و انتشارینی ایلک دفعه اوله رق تحت ممنوعیته آلان ، او قراينایی براو جدن دیکر اوجه روس عسکرلری ایله طولدوران ، کندی مصارف ذاتیه سنه قارشولوق بولاق اوزره او قراينا کویلیلرندن آغیر ویرکولر اخذ و استیفا ایدن ، پای تحت اوله جق اولان پترسبورغ شهرینك انشا ایدیله جکی محله کاشن بطاقلقلرك قوروتمسند و بونلرك ایچندن کچه جك جدوللرك حفر و انشاسنده او قراينا قزاق افرادینی زور و جبر ایله استیخدام ایدن و بو صورتله بو عسکرلرك صحت و حیاتی محو و خراب ایلین بالذات چار دلی پترودر . بو کبی جبری و زجری چالیشدیرمه لره قارشو مقاومت و عصیان ایدن او قرايناليلر حیاتلرینی یا محبس لرده یا کوزل وطنلرندن پك اوزاق اولان سیریا منفالرنده ا کمال ایدرلردی .

چار دلی پتروئک وفاندن سوکره اوقراینا ، اهالی طرفدن
 اتخاب اولنان و روسیه حکومتجه وظیفه و مأموریتلری تصدیق ایدیلن
 دها ایکی هه تمانه مالک بولندی که بونلرک برنجیسی (دانیل آپوستول
 ۱۷۲۷ Daniel Apostol) و ایکنجیسی (کیریل روسوموفسکی
 ۱۷۵۰ Cyrill Rosumowsky) ایدی . لکن بو صوک هه تمان دها
 ۱۷۶۴ ده وظیفه سنی ترک ایتمکه دعوت ایدلای و آرتق بونلرک اوزرینه
 بوتون اوقراینا اداره سی روسلرک انه کچدی . بو تاریخدن اعتباراً
 اوقراینا ده اهالی طرفدن اتخاب ایدلمش تک بر مأمور بیله قالمدی
 و اوقراینا باشه روس حکومت مرکزیه سنجه تعیین اولمش
 مأمورلر ایله اداره اولمغه باشلادی . ایمپراطور یچه (قاهرینا) ۱۷۷۵ ده
 (دنیه پهر) نهرینک آققده اولدیغی نامتناهی اووه لرده کاشن (ساپوروح
 سیچ) نامنده کی پر شان و شرف قزاق جمهوریتنک موجودیتنه خاتمه
 چکدی . دها ۱۷۸۳ تاریخنده مومی الیها بوتون قزاق تشکیلات عسکریه سنی
 اورته دن قالدیردی . اوقراینا لیلر ۱۶۵۴ سنه سنده هه تمان (شمه لیتسکی)
 ایله چار (آلكسهی Alexey) آره سنده عقد اولنان معاهده احکامنجه
 محافظه سی لازم کلن اوقراینا تشکیلات و تاسیسات اجتماعیه و اداریه سنه
 طوقونولماسنی چاریچه دن پک چوق یالوار مشلر ایسه ده اونلره قولاق
 آسان اولدی . اوقراینا مبعوثلری ینه بالاده کی مقاوله مقرر اتنه
 استناداً ۱۷۶۷ ده یکی بر روس قانوننامه سنک تنظیمنه مأمور بر
 قومیسئونک تشکیلی ایچون پک چوق اصرار ایتمشلر سه ده بوده کار ایتدی .
 حتی اوقراینا لیلر آره سنده صوک چاره اولق اوزره یکیدن بر عصیانه
 مراجعتی خاطر دن کچیره نلر بیله اولدی . چار طرفدن پایه لر
 و عنوانر توجیهیله اوقراینا ده یکی توره ین زادا کان نسل جدیدی ،

بوتون حقوقلری نزع و پامال ایدیه ایدیه نهایت خوار و حقیر بر کواه درکهنه ایندیریان اوقراینسا کویلیلری اوزرنده کی دره بکجه سنه تحکملرندن هر وجهله استفاده ایده بیلمک ایچون حقوق ملیه لرندن فارغ اولمغه قدر واردیلر .

روسیه طرفنده کی احوال بو منوال اوزره جریان ایدرکن اوقراینسا ملتک (دنیه پهر) شهرینک ساحل یمینده کی اوقراینسا حوالیسنده قالمش اولان قسمی پولونیا لیلردن پک چوق اذا وجفا کوروب طور یوردی . بو تعدیاتک انتقامنی آلمق اوزره پولونیا اداره سنده کی اوقراینالیلر چوق دفعه لر لوای عصیان رفیع ایدرک قیام قارغشه لقلری اثناسنده اصیلزادکانک چفتلکاتی احراق و برچوق پولونیالی و موسویلیری اتلاف ایلمش لردر . اوقراینای غریبده کی اک بیوک عصیان روسیه نیک معاونت و اشتراکی سایه سنده ظهور ایتمشدر . تاریخده (قولیوچنیا) نامیه معروف اولان بو قیام ۱۷۶۸ سنه سنده (غونتا Gonta) و (سالیزنیاق Salisnyak) آدنده کی (هایداماق) سرکرده لک سوق و اداره سی آلتنده وقوع بولدی .

ایشته بو صورته درکه اوقراینسا اون سکنرنجی عصرک اورته سنده بوتون حریتلرندن محروم قیلندی . روس و پولونه ز اصیلزادکانی او زمان اوقراینایی بوس بوتون تحکم و تغلبلری آلتنده بولندیر یورلردی . زنکین اوقراینالیلرده پی درپی یاروس ملیتنی ، یاپولونه ز ملیتنی قبول ایدیورلردی . چونکه بر موقع اجتماعی تأمین ایتک ، بر مأموریت احراز ایتک و یا صاحب ثروت و سامان اولمق ایچون بوندن بشقه برچاره یوق ایدی . حتی مشهور اوقراینالی قزاق قهرمانلرینک اولاد و اخفادی بیله زمان ایله ملیتلرینی تبدیل و لسان مادرزاد لرینی ترک ایلدیلر . اوقراینسا

لسانی مکتبلردن و اجتماعی محفللردن نفی و اخراج اولندی . و نهایت بولسان ایله غریب برلهجه ایمش کبی استهزا بیله ایدلدی .

مع مافیله پولونیانک غربی اوقراینسنا اوزرنده کی حاکمیتی چوق سورمدی . ۱۷۷۲ ده پولونیانک همجوارلری اولان حکومتلر اوقراللغی تقسیمه قویولدیلر که بونک نتیجه سی اوله رق غالبیا ایالتی آوستریانک حصه سنه اصابت ایددی . قاریات طاغلرینک جنوبینده کی اوقراینسنا اقسامی ذاتاً اپی زماندن بری مجارستانک اجزای متممه سنندن اولمق اعتباریله آوستریا حوزه ملکینه داخل بولنیوردی . اوقراینالیلر ایله مسکون اولان (بوقووینا) ایالتی دخی ۱۷۷۴ دن بری بر آوستریا ایالتی حاله کیرمش ایدی . بویله جه اوقراینانک غرب طرفلرنده کائن ایالات و قطعاتی آوستریا اداره سنه کچدی که بو حال حوالی مذکورهنک وضعیتجه خیلی تبدلاتی مؤدی اولدی .

اوقراینسنا ملتنک پولونه ز اصیلزادکانی طرفندن عادتاً اسیرمعامله سنی کورمکده اولدیغنی و بوضورتله خرابی یه سوق ایدلدیکنی لایقوله آکلایان آوستریا حکومتی پولونیالیلری ده قولا یلقله اداره ایدم بیلیمک ایچون اوقراینالیلری ترفیه و اقدارایتمک سیاستنی تعقیبه قویولدی . بو مقصد ایله بر طرفدن اوقراینالی (روتهن) مکتبلری تأسیس اولندیغنی کبی دیگر طرفدن ده پولونه ز ملتنه منسوب چفتلکات جسیمه اصحابنک نفوذ و قدرتی کرکی کبی قیرلدی .

پولونه ز بویوندوروغی آلتنده یأس و فتوره دوچار اولمش اولان آوستریا اوقراینالیلری آوستریانک اصلاحات عدالتپرورانه سی سایه سنده تکراراحیا اولندیلر و چوق کچمه دن بو اوقراینالیلر ایچنده تربیه ملیه

مستهلک سنی اله آلان و عوام طاقنک ترفیه احوالی ایچون میدان فعالیت وجداله آتیلان بر طبقه منوره حاصل اولدی .

پولونیانک ۱۷۹۳ ده وقوع بولان ایکنجی تقسیم اوزرینه بو قرالغه عاقد اولان او قرائنا اقسام اراضیسی یعنی (پودولیا) ، (وولهنیا) و (کیهف) ایالتلری روسیه یه کچدی . مع مافیه شرقی او قرائنانک وضعیت سیاسی سنه عارض اولان بوتحول بو حوالیده ساکن او قرائنالیلرک حیات و مقدراتنده هیچ بر اثر صلاح حصوله کتیرمدی . پولونه زاصلیلر اداکانندن منشکل (شلاختا) مجلسنک او قرائنالیلره قارشو تطبیق ایتدیکی سیاست تضحیق کارانه پی تلین و تقییح ایده جک روسیه ده کیمسه ظهور ایتدی . قوه حکومتک صیقی بر مرکزیت اصولنه تابع طوتیلیمسی او قرائنا حیات ملیه سنک صوک آثار و انقاضی اوزرنده پولونیا استبدادندن بیله ده انحطاط کار بر تاثیر حصوله کتیردی .

روسیه حکومتی کندی اداره سنه تابع او قرائنا ایالاتنده هر شیئی روسلاش دیر مق آرزو سنه دوشدی و بونک ایچون او قرائنالیلرک مذهبنه ، ادبیاتنه ، مکاتبه و حتی بر زمانلر مشترک اولان اسکی اسلاو دعالرک طرز تلفظنه بیله دست تعرض و تجاوزی اوزاتدی . او قرائنالیلرک اولاپولونه ز و صوکره دن ده روس بویوندورونغی آلتنده یشاملری نتیجه سی اوله رق پولونیانک ایکنجی مقاسمه سی اوزرینه روسیه حصه سنه دوشن قطعاً تده کی او قرائنالیلر معرفت و مدنیتجه اک آشاغی بر در که ده قالدیلر . بونک ایچون در که روس اداره سی آلتنده کی او قرائنالیلر آره سنده ایلك ترقی و انتباه آثاری پولونیا دن آلتان اقسامده دکل فقط باشلرنده ملتجه انتخاب ایداش بره تمان بولنان منتخب بر هیئت مأمورین طرفندن ۱۷۶۴ سنه سنه قدر اداره ایدیلن (دنیه پهر) نهرینک شرقنده کی اقسامده رونما اولدی . بورالرده

اسكى اوقراينا حریتك و اوقراينا استقلالی ایچون پولونیا ایله اجر ای دیلن
استخلاص محاربه لرینك خاطرانی هنوز اذهان ملتدن سیلنامش ایدی .
بو قهرمانانه عنعنات ، غربی اوروپانك خیالی اوقشایان شعرینی
واسلاو اقوامنك نوم غفلت و جهالتدن اویانوب تکرار کسب حیات
وزندکی ایتملری کبی عوامل اون سکزنجی عصرک انتھاسنه طوغری
اوقراينا لیلرک حرکت تجددکارانه سی اوزرینه بیوک تاثیرلر یاپدی .
اوقراينا حرکت ملیه سنه قارشو ایلك محبتلر و توجهلر اپی روسلاشمش
اولان اوقراينا اھالیسنك طبقات عالیہ و منورده سنده پیدا اولدی .
اوقراينا تاریخی ، لسانی ، اوقراينا ملتک اصل و منشائی حقندہ تبعاتہ
کیریشیلدی . اوقراينا لسانیہ منظومہ لر تنظیم اولندی . ملی و مساوات پرور
فکرلر نشر و تعمیم ایلادی . بوجریان ملی یه پیشوا اولانلر اوقراينا
حیات ملیه سنك ، اوقراينا لسانیك ، اوقراينا ملی شرقیلرینك کوزللكنه
واوقراينا تاریخنك اهمیتنه انظار دقتی جلب ایتدیلر و کندی قومیتلری
و لسان مادرزادلری حقندہ صنوف منورده خیرخواھانہ بر علاقہ
اویاندریلر .

ایشته بو کبی وسائط ایله درکه اوقراينا مفکوره سی روسیه ده تکرار
اویاندریلدی . بدایتندہ آنجق ادبی و فنی برماھیتی حائر اولان بو مفکوره
تدریجاً اجتماعی و سیاسی بر شکل آلیغہ باشلادی . اوقراينا لسانی و اوقراينا
حیات ملیه سنی تدقیق و تتبع ایده ایده درکه موسقوف حکومتی طرفندن
روسلاشدیراش اولان اوقراينا اورته صنفلری ، اوزون مدت سورن
بر طاقم اجتماعی و سیاسی احوال الجاسیہ کندیلرندن فکرأ و حسأ
اوزا قلاشمش اولدقلری ملتک طبایع و اخلاقه تکرار کسب و قوف
ایلمشلردر . آرتق بونک اوزرینه اورته صنفلری اهل قرانك احتیاجاتی

آ کلامغه و او قراينا ملتنه کندی مدنيتك و حیات سياسيه سنه سربستی انكشافنی تأمين ایده جك اجتماعی و سیاسی بر پروغرامك لزوم تنظیمنی درك و تقدیر ایتکه باشلادیلر.

او زمانك اك نامدار وطنپرور لرندن بری (کوتلاره و سکی Kotlarevskyj) دركه ۱۷۹۸ ده لاتین شعراسندن (ویرژیل) ك (آنه نه یس) نامنده کی اثرینی تقلیداً او قراينا لسانی اوزرینه کوزل بر منظومه یازمشدر . بو ذاتی (هولاق Hulak) ، (آرتهمووسکی Artemovvskyj) نام شاعر لر ایله (قویتقا اوزنوویانه نقو Kvitka Osnovvjanenko) و (غوغول Gogol) ، (تورگنیف Tourgueniv) ، (میخائیل ماکسیموویچ Michael Maksymovvytsch) ، (بودیانسکی Bodjanskyi) ، (سه ره سنه و سکی Sseresnevskyi) و (قولیش kulisch) آدنده کی علم منشای عروق متخصصلری و بعده مورخ (نیکوله قوستوماریف Nikolaus kostomarivv) و دهها صوکره او قراينانك اك بیوك شاعری اولان (طاراس شهوشه نقو Taras Schevvtshenko) تعقیب ایتدی . بو صوك اوچ ذات اسارت اجتماعیه نك لغوینی ، او قرايناده جمهوریت اساسنه مبتنی بر قانون اساسینك اعلائی ، آشاغی طبقه لرك تنویر اذهاتی و مملکتلرنده ترقیات مدنیه نك تأمیننی مقصد و غایه اتخاذایدن بر جمعیت خفیه تأسیس و بوجمعیته « کیریل و مه دوت جمعیتی » نام و عنوانی ویردیلر .

روس او قراينا لیلری طرفندن اورته یه سوریلن او قراينا مفکوره ملیه سی اوستریا او قراينا لیلری طرفندن وبالخاصه اوستریا او قراينا سنك اك مشهور شاعر ملیسی اولان (مارقیان شاشقه ویچ Markian Schaskevvytch) جانبندن بیوك برهیجان سرور ایله تلقی اولندی . كرك بو آدمك كرك

سلك تحريده كنديسنه خانف اولان ديكر بعض ادبانك آثار قلميه سى ۱۸۴۸ سنه سنده غاليجياده ظهورايدن او قرايناليلر حركت مليه و سياسيه سنه زمين حاضر لمشلردر . تام اوتارنخه طوغرى او قرايناليلرك حركت مليه سى روسيه ده پك آغير تعقيبات و تضيقاته معروض قالدى . ۱۸۴۷ ده او قرايناليلرك بيوك شاعرى (شهوشه نقو) ايله دوستلى روسيه حكومتى طرفندن توقيف اولنه رق طول مدت ايجون سيري ايه نفى واجلا اولنديلر . مع مافيه او ائنده در دست اولنان او قراينا مليتپوراندن بالا خره استرداد حریت ايديه بيلنلر ۱۸۵۰ و ۱۸۶۰ تاريخلر نده پترسبورغده طوپلانهرق ادبيات ساحه سنده كى فعاليتلرينه دوام ايلديلر . او زمان روسيه ايجون احرارانه بر زمان ايدى . او صره ده اسكى روس اداره سى اصلاح و تجديد اولنيوردى . بوسايه ده او قراينا حركت و جريانى تكرر اسكى ماهيت اجتماعيه سنى اكتساب ايديه بيلدى . او حركتك حلى ايجون اوغراشدىغى مسئله لر او زمان بوتون روسيه اهاليسنى اشغال ايدن مسئله لر ايدى . بونلر ايسه كويليلرى اصحاب املا كدن اصلزادكانك النده عادتاً نيم كوله حالنده يشامغه محكوم ايدن (سه رواژ) اصولنك بالكله لغوى ، معارف عموميه نك بوتون ملته تشميلي ، كتلات عظيمه ناسك موقع اجتماعيسنك اصلاحى كى خصوصاتدن عبارت ايدى . مع مافيه بودور حریت چوق سورمدى . ودها ۱۸۶۳ سنه سنده او قراينا ادبياتى و او قراينالى وطنپوران يكيدن بر طاقم تضيقاته هدف اولمغه باشلاديلر . بوسورتله او قراينا حركت مليه سنك مركز فعاليتى او قرايناليلرك روسيه يه نسبتله قات قات بيوك برسربستى يه مالك اولدقلى و ۱۸۶۸ سنه سندن برى مشروطيت اداره يه نائل بولندقلى غاليجيامنقطه سنه نقل اولدى . روسيه و اوستريا او قرايناليلرك توحيده مساعى

ایتملری سایه‌سنده اوقراینا علوم و فنونی، ادبیاتی و علی‌العموم اوقراینا مدنی‌تی‌شایان دقت ترقیاته نائل اولدی‌لر. غالبیاده متمکن اوقراینالی‌لر ویانه حکومتی نزدنده اجرا ایتدکلی تشبثات مضره سایه‌سنده تدریساتک کندی لسانلریله وقوع بولدیغی لزومی قدر مکاتب ابتدائییه و بعض مکاتب تالییه تأسیسنه مساعده استحصال ایتدکلی کبی (نه مبه‌رغ) دارالفنوننده کی معلملکردن بعضی‌رینک اوقراینالی ارباب دانشه تودیعی ایچون ایجاب ایدن رخصتی دخی آلمش‌لردر. اهالینک تنویر اذهانی ایچون نشر معارفی کندیلرینه بروظیفه بیلن هیئت‌لر وجوده کتیرلدی. کویلرده ملی کتبخانه‌لر تأسیس اولندی، هر طرفده تعاون شرکت‌لرینی تشکیل مقصدیه اجرا ایدیلن تشویقات، کیت کیده ده‌هابیوک ثمره‌لر ویردی. آرتق کندی کندیلرینی معاونتدن محروم ویالکیز براقیلیمش حس ایتمامکه باشلایان اوقراینال کویلیری بیلرندده برطاقم روابط و تشکیلات حصوله کتیره‌رک حق انتخاب‌لرینی صیانت و مدافعه ایتدکلی کبی ویانه پارلامنتوسنده اوقراینال ملتنی بحق تمثیل ایده‌جک و بوملتک حقوقنی مدافعه‌یه لایق اوله‌جق مبعوث‌لری انتخاب ایلدی‌لر.

غالبیاده تجلی ایدن بو فعالیت ملیه‌دن روسیه اداره‌سنده کی اوقراینالی‌لر پک چوق استفاده ایتدی‌لر. چونکه اونلر روس مأمور‌لرینک اک شدید تضیقاتنه معروض اولدق‌لری زمانلرده مبارزه ملیه‌لرینه دوام ایده‌بیلیمک ایچون غالبیادن هر دایم تازه قوت‌لر و معاونت‌لر آلمقده آلمقده ایدیلر. ۱۹۰۰ و ۱۹۰۵ سنه‌لری آره‌سنده اوقراینال حیات ملیه‌سی روسیه‌ده دخی کسب اهمیت ایتکه باشلادی.

روس اوقراینال‌سنده اوقراینالی‌لرک ملی برحیات یشاملری غیرقابل اولدیغنی ادعا ایتک طوغری اولمز. هر نه قدر روس حکومتی (اوقرانلق) ماهیت خصوصیه‌سنی حاز اولان بالجمله حرکات و تشبثاتی عقیم براقم

ایچون الندن کلنی یایمقده ایسهده ینه او حکومت او قرائینالیرک ملی برمدنیتہ نائل اولمق خصوصندہ کی آرزوی شدیدترینہ قارشو برسد ممانعت چکه مز، او قرائینالیرک بویله بر غایہ یہ معطوف اولان حرکت ملیہ لرینی نہ توقیفلر، نہ اجلالر، نہ وسائط تعیشیہ نک لغو وابطالی، نہ جزای نقدیلر، نہ کتابلرک و رسالہ لرک مصادره سی طور دیرہ مز. ایوم روسیہده مرعی اولان یکی قانون انتخابات او قرائینالیرک دوما مجلسنہ دخوللرینک پک زیادہ اشکال ایتمش اولمقہ برابر او قرائینالیرک صوک انتخاباتہ غایت فعالانہ بر صورتہ اشتراک ایشلردر. والحاصل روسیہده کی او قرائینالیرک حرکت ملیہ سی کوندن کونہ کسب وسعت واهمیت ایدیور وشمیدین ثمرہ لرینی ویرمکہ باشلیور.

.....

روس او قرائیناسندہ سیاسی فرقہلر

– (پولتاوا) معلملرندن (و. دوروشه نقو) نک بر مقاله سیدر –
 هہ تمانلر اداره سنک لغو وابطالندن او قرائینانک – ایمپراطوریچہ ایکنجی (قانه رینا) نک تعیرنجه – «دائرہ اطاعت و انقیاد» ه آلمسندن صوکرہ دخی سیاسی فیکرلر وفعالیتلر او مملکتده سونمه مشدر. او قرائینا مختاریتی اورتہ دن قالدیریلہ لی یوزاللی سنہ اولدینغی حالده بومدت طرفندہ اورادہ کی حرکات احرارانه دائما زنده وقوی بر شکلده تظاهر ایتمش ومقدس بر میراث کبی ذریتدن ذریتہ انتقال ایلشدر. روسیہ، او قرائینا اصلزادکاتی کندیسنه رام ومطیع قیلیمق ایچون گاه جبروشدت استعمال ایتسنہ گاه وسائط تلطفیہ یہ مراجعتلہ اوکشی زاده لره بر طاقم منافع کوسترمسنہ رغماً او قرائینا مختاریتنک دها فردای لغوندہ

حریت سابقه‌سنة حسرتکش اولان وهپ وطنلرینک تخلصنی دوشونن
 برچوق غیر ممنون اصیلزاده لر میدانه آتیلدیلر . بو زمینده اک بیوک
 فعالیت، زادکان فرقه‌سنک صول جناحنی تشکیل ایدن حزب طرفدن
 کوسترلمشدر . بونار ایچلرندن قونت (قاپنیست Kapnist) ی مرخص
 صفتیه اتخاب ایدرک مومی الیه روسیه خارجنده کی اوروپا سرای
 حکمداریلری نزدنده اوقرایننا منافع ملیه‌سنی تمثیل ومدافعه ایتک
 مأموریتنی تودیع ایشلردر . بو تشبثدن هیچ برثمره ونتیجه حاصل
 اولامسنه وروس جهاز اداره‌سنک تدریجاً اوقراینسایه تشمیلییه برابر
 اوقرایننا طبقه‌علیاسنی روسلاشدیرمق ایچون موسقوف حکومتیجه
 یوما فیوما متزاید بر غیرت بذل ایدلمسنه رغماً اوقراینانی برکون روس
 اسارتندن تخلص ایتک امللری وآرزولری بردرلو زوالپذیر اوله‌مدی .
 اوقراینانی نصلسه قورتارمق وسربست قیلمق فکری اون طقوزنجی
 عصرده فارماسون لوجه‌لری تشکیل ایتک صورتیه بینلرنده بر رابطه
 وفاق واتحاد وجوده کتیرن حرپتروور اوقراینالیرک قلبنده اسکینندن
 بیه فضا بهر شدت وقوت ایله اویانندی . صوکره‌دن کورلدی که عینی فکر
 (ده‌قابرست Dekabrist) لر فرقه‌سی تشکیلات خفیه‌سنده دخی مهم
 برعامل وموثر وظیفه‌سنی ایفا ایدیوردی . چفتلکات جسیمه اصحابندن
 (لوقاشه‌ویچ Lukashewytsch) اوزمان اوقراینانک تخلصی ایچون
 خفی بر جمعیت تشکیل ایتش اولمق تهمتیه جهت عدلیه‌جه تعقیب اولندی .
 ۱۸۲۵ سنه‌سی صوک بهارنده (مارقه‌ویچ Markewytsch) نامنده
 بر اوقرایننا وطنپرووری (ریلیهف Rylejeff) اسمنده بر روس
 ده‌قابرستنه شو سطرلری یازدی : « اوقرایننا اعاظمنک تاریخ مناقبی
 آلآن چشم خیالمنز اوکنده طورپور . اکثر اوقراینالیرک قلوبنده

حسیات وطنیه اسکی قوتیابه جایکردر . بزده (پولوبوطوق Polubotok-) ك فكر و روحی نك حالا یشادیغنی کوره جکسکوز . « انسانه علوی بر غایهٔ امل تلقین ایذن (رومانتیق) ادبیاتنك تأثیرلری ایله بر طرفدن اوقراینالیلرده حسیات ملیه تکرار اوینادیغنی کبی دیگر طرفدن بو تأثیرلر استحصال حریت واستقلال یولنده مصروف فعالیتلرک مبدل عطالت اولسنه قارشو بر مانع تشکیل ایدیوردی . حتی بو (رومانتیق) ادبیاتی اوقراینالیلرک کندی ملتیرنی دها ای حس و درك و تقدیر ایتمیرینه برسائق اولدیغنی ایچون بوملته زور زمانلری جسارت ایله آتلاقم خصوصنده خیلی یاردیم ایلمشدر .

اون طقوزنجی عصرک ایلك ربعنده تکرار بیوک بر قوت ایله میدان آلان افکار مایه یه (شوچه نکو Schetwchenko) ، (قوستوماروف Kostomarov) وسائرلر طرفدن تأسیس اولنان (کیریل و مه تود) جمعیتی وارث اولدی . بوجمیت اعضاسی عموم اسلاولرک بر طاقم شرائط تحتنده برلشمسیله حصوله کله جك حكومات متحده هیئتنده (فهده راسیون) اوقراینانك کندیسنه مخصوص بر تشکیلات اداریه و سیاسییه مالکیتنی غایهٔ خیال بیلورلردی . « اخوان » ه [کیریل و مه تود] جمعیتی اعضاسنه بونام ویریلردی [چار ایکنجی نیقولانك او یله « کستاخانه » تصورلرندن ناشی ترتیب ایدیلمن آغیر جزالر اوقراینالیلر آره سنده کی تخلیص وطن فکرلرینی محو و مضمحل ایده مدی .

قریم محاربه سندن سوکره اوقراینانا مفکورهٔ ملیه سی تکرار باشنی قالدیردی . بیوک شهرلرده ملتیرنی طویان وسوهن اوقراینالیلر ایچون بر مرکز اجتماع واتحاد اولان « جماعت » لر تأسس ایتمدی .

اوقراينا دعواسنى ظفره ايصال خصوصنده اك زياده خدمتلىرى سبق ايدن جماعتلر پترسبورغ و كيهف شهرلرنده بولنلردى . مفكوره مليه ايشته بو جماعتلرده محافظه و تقويه اوليوردى . روسيه نك يقين بر آتیده پارچه لىمنى شدتله آرزو ايدن بر چوق اوقرايناليلر كرك ۱۸۶۳ سنه سنده كى پولونيا اختلالنه و كرك روس اختلالكار فرقه لر نك ترتيبات و تشكىلاتنه فعلاً اشتراك ايلديلر . اوقرايناليلر ك روس اختلالچىلىرى ايله توحيد مساعىلىرى باخصوص ۱۸۷۵ ايله ۱۸۸۰ سنه لرى آره سنده اولدى .

۱۸۸۰ سنه نه طوغرى قسماً روس حركت عموميه اختلاليه سنك تاثيرى آلتنده كنج اوقرايناليلر پيننده زياده جه مفرط (radical) و سوسيالىست اختلالكار جريانلر باش كوستر مكه باشلادى . روس تشكىلات اختلاليه سى مركززيت اصول وقاعده لر نى تعقيب ايتدىكى حالده اوقراينا اختلالچىلىرى روسيه نك تجديد و اصلاحنى (فده راسيون) اساسى اوزرنده تصور و تخيل ايليورلردى . اوزمانلر اوقرايناده اجتماعى و سياسى (رادىقاليزم) مسلكنك اك مهم پيشوا و ممثلى پروفور (ميخائل دراخومانوف Michael Drahomanov) ايدى . روس حكومتى طرفندن اوقراينايى ترك ايتمكه مجبور ايدىلن بو آدم ، بر منفى و مهاجر اولق صفتيله كرك شخصيتى كرك محررات و تاليفاتى سايه سنده بوتون اوقراينا جمعيتى و باخصوص روسيه ده و غاليجياده كى اوقراينا كنجلىرى اوزرنده فوق العاده بر نفوذ احراز ايلدى . بونك اوزرينه اوقراينا دارالفنون شاگردانى آره سنده (سوسيالىست - فده رالىست) پارتىلىرى تشكىل ايتدى . مع مافيه غاليجياده كى (رادىقال) فرقه سى طوغرى دن طوغرى يه (دراخومانوف) ك

تأثیری آلتندہ تأسس ایتمش اولسنہ مبنی بالادہ کی شاگردان پارتیلری
بالا آخره (رادیقال) اسمنی آلدیلر .

روس اوقرایناسندہ اووقت هنوز سیاسی فرقہلر یوق ایدی .
اورادہ آنجق شوویا بووجهه استقامتی تعقیب ایدن اجتهادلر، جریانلر
واردی . بو جریاندن برینه ویا دیکرینه منسوب کیمسهلر متفرق
غروپلر حالندہ برلشیوردی . معین بر پروغرامه وصاغلام بر تشکیلاته
مالك اولان ایلک اوقرایناس فرقه سیاسی « اوقرایناس فرقه
اختلالیهسی » درکه تاریخ تأسیسی ۱۹۰۰ سنه سنه مصادفدر . بو فرقه
طرفندن موقع انتشاره وضع اولنان ایلک رساله « مستقل اوقرایناس »
عنوانی حائز ایدی . بو رساله ده اوقراینانک مستقل بر موجودیته
نائیت خصوصندہ کی حقوقی دلائیلہ اثبات وتصریح اولمشدر . اوقرایناس
فرقه اختلالیهسی بو رساله سایه سنده آز مدت طرفندہ توجهات
عامه یه مظهر اولدی وچوق کچمه دن اوقراینانک باشلیجه بلاد وقصباتندہ
« حرجماعت » نامی آلتندہ فرقہنک بر چوق شعبه لری تأسیس
ایدی . فرقہنک باشندہ مرکز قومیتہسی بولمقدہ وبو قومیتہ یه
ظہیر ومعاون اولق اوزره (له مبرغ) ده (خارجی قومیتہ) نامیلہ
دیگر بر جمعیت مرکزیه ایش کورمکده ایدی . فرقہ مذکورہ
غایت شدید بر فعالیت اختلالیه صرفه قویولدی . بو فعالیت اوکا
روس حرکت عمومیہ اختلالیه سنک تاریخندہ غایت معنا وممتاز
بر موقع تأمین ایدی . اوقرایناس فرقه اختلالیه سنک فعالیتہ
دلیل اولق اوزره اونک اثر تحریکاتی اوله رق (پولتاوا) ایالتندہ
۱۹۰۲ تاریخندہ کویلیلر آره سنده ظہور ایدن اغتشاشی ، شورادہ
بورادہ وقوعه کلن تعطیل اشغال حرکاتی ، فرقہنک روس اختلال

عمومیسنه اشتراکنی و بوکا مماثل بر طاقم اجرا آتی ذکر ایتمک کافیدر. اوقراینا فرقه اختلالیه سنک فعالیت و غیرتی اوقراینا حرکت ملیه سی ایچسون پک بیوک بر اهمیتی حائز ایدی. زیرا اونک همتی ایله درکه اوقراینا مفکوره سیاسیه سی، سربست اوقراینا کتابلری و سربست اوقراینا جرائدی طبقات کثیفه ناس آره سنه ایلك دفعه اوله رق یاییلدی. اختلالکار فرقه افعال و اجرا آتیه، اهالی بی بر تشکیلاته تابع قیلمقله و اونک ساحه سیاسیات و اقتصادیاته ایلك آدیملری آتیه بیلمسنی تأمین ایچون کندیسنه رهبرک ایتمکه باشلادی. ۱۹۰۰ و ۱۹۰۵ آره سنده کی سنه لرده فرقه طرفندن آوستریانک (چهر نوویچ) و (له مبه رغ) شهر لرنده متعدد رساله لر و ایکی غزته چیقاریلدی. بونلر قچاق صورتیه روسیه یه دسته دسته ادخال اولندی. بو فرقه اوقراینا حیاته فیضدار بر نیکینی و فعالیت روحنی صوئق صورتیه قدیم اوقراینا محافل اجتماعیه سنه دخی بر نفعه حیات اوفله دی. بوندن بشقه بو فرقه روس حکومتجه ممنوع عداولتان بر چوق کتب و رسائی طبع و نشر ایدرک بونلری روس اوقراینا سنده تعیم ایتمک یولنی بولدی.

اوقراینا فرقه اختلالیه سی اعضاسنک مقداری کوندن کونه چونغالمقده اولدیغی بر صروده بو فرقه داخلی بر انقلاب کچیردی. ۱۹۰۲ سنه سنده او فرقه دن اقصای یمین حزبی آیریله رق « اوقراینا ملت فرقه سی » نامیه مستقل بر پارتی صورتنده تشکل ایلدی. واقعا بو یکی پارتی اوقراینا ده بیوک بر نفوذ قزانه مدی. لکن اوقراینا استقلال ملیسی نامنه اورته یه رسماً بر مطالبه چیقارمق صورتیه اوقراینا زمره منورانی آره سنده فکر و حس ملینک تقویه و اعلاسنه پک چوق خدمت ایلدی.

روس سوسیالیست ده موقراتلرینک طرز ادراک و تفکری دها بدایتده ملت فرقه سنک افعال و حرکاتی اوزرنده بیوک بر تأثیر اجرا ایتدی . بو تأثیر مرور زمان ایله برقات دها تقویت پذیر اولمقه برابر یکی محیطک احتیاجاتنه تطابق ایده ایده متعدد تحولاته دوچار اولدی . بو تبدل و تقلب ایله مناسببتدار اولمق اوزره ۱۹۰۵ سنه سنده فرقه اختلالیه سینه سنده « اوقراینا سوسیالیست ده موقرات اتحادی » نامی آلتنده یکی بر حزب میدانه چیقدی . هر نه قدر بو حزب جدید عمومی روس اختلال حرکتک تعقیب ابتدیکی وظائف و مقاصدی کندینه رهبر حرکت اتخاذ ایتمش اولسندن طولانی اوقراینا مسئله ملیه سنه انظار دقتی او قدر عطف ایتماش ایسه ده نفس اوقراینا ده وجوده گلش بر تشکیلات اولمق اعتباریه اوقراینا ده زراعت ایله مشغول فقرا صنفتک منافعی تمیل و مدافعه ایتمش و بو نقطه نظر دن مالکته بیوک بر رول ایفا ایلشدر .

۱۹۰۵ تاریخنده اوقراینا فرقه اختلالیه سی سوسیالیست ده موقراتلرک پروگرامنی رسماً قبول ایده رک کندی کندیغی اصلاح و تنسیق ایتدکن صوکره « اوقراینا سوسیالیست ده موقرات عمله فرقه سی » عنوانی اخذ ایلدی . یکی فرقه نیک پروگرامنده کی ایلك نقطه اوقراینا مختاری ایدی .

اوقراینا ده فعال بر حرکت احرارانه حکم سورمکده اولدیغی ۱۹۰۵ سنه سنده ایکنجی اوقراینا فرقه سیاسی میدانه چیقدی که بونک نام و عنوانی « اوقراینا ده موقرات فرقه سی » ایدی . بو فرقه باخصوص اسکی اوقراینا و وطن پرور لرندن ترکب ایدیور و پروگرامنه کلنجه ، ساثر اوروپا مالکنده موجود فرق مماثله نیک پروگرامنه مطابق ایدی .

بوفرقه پروغرامی و تعییه سیاسی اعتباریله روس فرقه‌لری ایچنده
 اك زياده (قادهت Kadet) فرقه‌سنه تقرب ایتمکده و ذاتاً ده بو(قادهت)
 فرقه‌سیله صیقى بر تماسده بولمقده ایدی . او قرائنا (ده موقرات)
 فرقه‌سنك اك معتبر و بنام اعضاسی (قادهت) فرقه‌سنك او قرائنا ده کی
 محلی قومیته لرینك هیئت مدیرانی آره‌سنده بولنیور و بو قومیته لرده او قرائنا
 منافع ملیه‌سنی تمثیل و مدافعه ایلور ایدی . او قرائنا (ده موقرات)
 فرقه‌سنك پروغرامنك دخی باشنده او قرائنا یه مختاریت بخشى و روسیه‌نك
 بر « حکومت متحده » شكله وضع و افراغی مسئله‌لری موجود
 ایدی .

او قرائنا (ده موقرات) فرقه‌سی تأسسندن آز بر زمان سوکره
 او قرائنا رادیقال فرقه‌سیله برلشهرك بو صورتله حصوله کلن یکی فرقه
 متحده کندی کندینه « او قرائنا ده موقرات رادیقال فرقه‌سی »
 عنوانی ویردی . بو فرقه‌نك ایچنده کی (رادیقال) حزبی اصلاحات
 و تجددات اساسیه و قطعیه طرفداری اولان منور او قرائنالی رادیقال لرندن
 تشکل ایدیوردی . بو رادیقال عنصرلری او قرائنا سوسیالیست
 ده موقرات فرقه‌سنك پروغرامنی تصویب ایتمور و فکر و اجتهادلری
 نقطه نظرندن روس رادیقال فرقه‌سنه ده یقین بولنیوردی . او قرائنا
 رادیقال لرینك مسلکی بالآخره روسیه‌ده تشکیل اولنان « ملت
 سوسیالیستلری » فرقه‌سنك مسلکنی آکدیریوردی . بو رادیقال
 حزبی ۱۹۰۵ تاریخنده (له‌مبه‌رغ) ده بر طاقم رسائل ممنوعه‌بی
 باصدیر مشدر . اونك اعضاسی طوغریدن طوغری یه (دراخومانوف) ك
 نفوذ و تأثیرینه تابع بولنیوردی .

بالاده تعداد اولنان او قرائنا فرقه‌لرندن بشقه « او قرائنا ترقیپوروران

اتحادی « نامند کی فرقه بی ذکر ایتمک لازمدر. بو فرقه باخصوص رادیقالر وده موقراتلر ایچون برواسطه اتحاد اولمقده ایدی. مع مافیہ فرقه مذکورده صاغ جناح پارتیلرک دخی ممثلاری واردی. بو اتحاد اوقراینالیلرک هیأت مشروعه مدنیهلری اوزرنده بیوک برتأثیر ونفوذہ مالک ایدی .

اوقرانیا محافل اجتماعیه سنک اجراءات وتشبثاتی وافکار ونظریات سیاسیہ سنی شمدی یه قدر الک طوغری اوله رق تمثیل ایدنلر (ده موقرات - رادیقالر) ایله (سوسیالیست - ده موقراتلر) در. اوقراینایا جمعیتی ایچنده صرف فعالیت ایتمش اولان دیگر حزبلر هیچ برزمان متین برتشکیلاته مالک اوله مامشدر وافکار عمومیه ده مسموع الکلم برهیئت واحده صورتنده میدانه چیقه مامشدردر. بوتون بو فرقه لرک غایه املی اوقراینایه استقلالی تأمین ایلمک ایدی. مع مافیہ ساحه عملیاتده اونلر آنجق اوقراینایه آز چوق واسع ویا محدود بر مختاریت بخشای ایچون مطالبه لردرمیان ایتمکدن بشقه برشی یاپه میورلردی. اونلر بو مختاریتی کندی غایه خیال لرینه طوغری ایلمک برمرحله اوله رق تلقی ایدیورلردی. اوقراینایا سوسیالیست ده موقرات تشکیلاتیله اوقرانیا ده موقرات - رادیقال فرقه سی اوقرانیا حیات سیاسیہ سنده پک مهم بر رول اوینامشدردر. ۱۹۰۵ دن ۱۹۰۷ یه قدر، ملیتلرینی مدرك اولان شهرلرده کی واووه لرده کی اوقراینایا عناصرینک اکثریسی بو ایکی فرقه تشکیلاتنه داخل بولنیوردی. ایکی فرقه آزچوق مشروع بر فعالیت صرف و ابرازی ایچون موجود اولان امکان و مساعده محدودده دن قدرتلری یتدیکی قدر استفاده ایتمکله برابر بو مدت طرفنده برچوق عمومی اجتماعلر عقد ایتمدیره رک و متینغلر ترتیب ایلیه رک اوقراینالیلرک مطالب ملیه لرینی

عوام صنفنه طانیتمنه موفق اولدیلر. بو پروپاگاندا سایه سنده او قرائینا لیلر برنجی و ایکنجی روس دو ماسنده اُپی مقدارده مبعوثلر بولندیرد بیلمشلردر. او قرائینا مطبوعاتی آره سنده دهاییکی موقع انتشاره چیقان جرائد ایکی فرقه نك و بالخاصه سوسیالیست ده موقرات فرقه سنك نظریات و اجتهاداتنه معکس و ترجمان اولیوردی. روس اختلال عمومیسینی تعقیب ایدن سنه لرده او قرائینا سوسیالیست اختلالکار فرقه سی تأسیس اولندی. بونك افکار و نظریاتی عینی روس فرقه سنك اجتهاداتنه موافق دوشیوردی. مع مافیہ بو آنه دکین او فرقه او قرائینا ده بیوک بر نفوذ اکتساب ایدمه مامشدر.

۱۹۰۷ سنه سنده وقوعه کلن روس حرکت ارتجاعیه سی او قرائینا فرقه لرینك فعالیت علیه مشروعه سنی جبر و زور ایله منع و توقیف ایلدی. مع مافیہ فکرلر سونکو ایله محو اولمه مز. یکی وکنج او قرائینا مطبوعاتی-که بو مطبوعات افراد ملتی یکدیگرینه معنا ربط ایدن یکانه قوت اوله رق قالمشدی-فرقه لرك فعالیتنه دوام ایلدی. او قرائینا ده کی جریان افکار و حیات هیچ طورمدی. او قرائینا حرکت فکریه و مدنیه سی مانعلر طانیمیان کنیش و خروشان بر نهر کی آقوب ایلری کلکده در. ۱۹۰۷-۱۹۱۴ سنه لری آره سنده کی زمانده او قرائینا حیات ملیه سنده بیوک تبدلات وقوعه کلدی. او قرائینا مفکوره ملیه سی بویدی سنه لك دور اثناسنده درین بر استحاله کچیردی و ملیت نقطه سندن فوق العاده کسب قوت ایلدی. هر شینك قیمتی اساسلی بر صورتده ده کیشدی. حیات سیاسیہ نك حقایقنی او کرنه او کرنه او قرائینا ملتی اجانبك کندی حرکات و مجاهدات ملیه سنی تقدیر و کنده یسنه بو مجاهداتک ظفرینی تأمین ایچون معاونت ابراز ایدمه جکی حقیقده کی اسکی امیدلرینی کسدی.

حتی او ملت روس لیبرالترینه باغلامش اولدیغی امیدلردن بیله واز
 کچدی . بوتون بوامیدلرک هیچ براساس جدی یه مستند بولونمداقلىرى
 قناعتی او قرايناليلرک ذهنتده کیت کیده دهادرین کوکلر صالحه یوریدی .
 عینی زمانده او قراينا وطنپروراننک صفارى کوندن کونه صیقلاشيور ،
 بیویوردی . او قرانلینه التحاق ایدن یکی وتازه قوتلردن بشقه روس
 فرقلرینی ترک ایدن روسلاشمش او قرايناليلرده او قرانلیغیه عودت
 ایدیورلردی . او قراينا فرقلرینک سینه سنده و باخصوص سوسیالیست
 ده موقرات فرقه سنده قوتلی برانقلاب ذهنی وقوع بولیوردی . حیات
 عمومیه نك بوتون شعباتنده ، سیاسیات ، ادبیات واقتصادیات ساحه
 فعالیتلرنده بطون سابقه طرفدارلری یاننده او قراينا اختلال وار قراينا
 سوسیالیست ده موقرات مکتبلرندن یتیشمش جوال وفعال کنج ذکالر
 موجودیتلرینی کوسترییوردی . هر طرفده « تحکیم وترصین » آرزولری
 وتشبثلری کوریابور . او قراينا ملبتپرورلرینک قسم اعظمی ده بو کنج و جوال
 اصحاب ذکادن عبارتدر . بوملیتپرورلر بو کونه قادار روس او قرايناليلری
 ایله اک صبقی مناسباتده بولندیلر وبومناسبات آلآن دوام ایلمکده در .
 اولر روس او قرايناليلره ذعنی ، تشکیلاتکاری وشخصی رابطه لرایله
 مربوط بولنیورلر .

او قراينانک تخلصی ایچون بر جمعیت اتحادیه تشکیلی فکری
 او قراينا مدنیت حاضره منوره سی ایچنده ده ۱۹۱۲ سنه سنده طوغدی .
 سینه سنده بوتون او قراينا استقلال فرقلرینی توحید ایدن بوجمعیت
 اتحادیه ، احوال حاضره ایچنده ، غایت جدی بر عامل ملی وسیاسی
 عد و اعتبار اولنغیه لایقدر .

اوقراينا ليرك فعاليت مدنيه لري

(كيف) لي . م . مهله نفسكي

۱ - ۱۹۰۲ سنه سنده كي كويلير حرکته قدر اولان دوره .

اوقراينا ملتي ، ايكي عصر دن زياده سورن آغير موسقوف اُسارتنه قارشى كال متانته كوكس كرمش وره س چارلري حاكيتنده وموسقوف اداره لري آلتنده كچن اسارت حياتنك بوتون دهشتلرينه تحمل ايلشدر . اوقراينا لير، يالكز مقاومت واسكي مدنيت مليه لريني محافظه ايله اکتفا ايتيوب بومدت ظرفنده بوكونكي آوروپا مدنيتنك برنجي درجه ده حائز اهميت اولان فضائلنه مساوي يكي آثار ومحاسن مدنيه وجوده كتير مشلدر .

اوقراينا نك حيات مدنيه سي وافكار سياسيّه مستقليه سي، اوقراينا اهاليسي ايچون اك مظلم صاييلان دوره - اون يدنجي عصر - ده بيله محو ومنقطع اولما مشدر . فقط اصل انتباه ملي ، اون يدنجي عصر ك نهايتيله اون سكرنجي عصر ك بدايتنده باشلامش واك مشهور اوقراينا شاعر لرندن پولاتاواده طوغان (ايوان قوتلاره فسكي) نك ناميله رابطه دار بولن مشدر . مومي اليهك (مخرف انهيدا) نامنده كي اثرى ، اوقراينا خارجنده بيله اجراي تاثير ايلشدر . (ايوان قوتلاره فسكي) دن صكره برچوق اديبلر دها يتيش مشدر كه (قيويتقا) ، (غولاق - آرتهموفسكي) وسائر بونلر مياننده در . اون سكرنجي

عصر نصف اولنك صوكنه طوغرى اوقراينا حياتى بر چوق عالملىر ،
 اديبلر يتيشدير مشدر . بونلك اوقراينا تاريخى واتنوغرافيسى حقنده
 يازمش اولدقلى اثرلىر ، اوقراينا علمومنى ، آوروپا علملىرىنىك سويه سنه
 قادار چيقارمش وعينى زمانده اوقراينا افكار مليه وسياسيه سنك
 تعميق وتوسيعى ايچون مهم برر سائق اولمشلردر . بودوره يه منسوب
 علما وادبادن ، مورخ (قوستوماروف) ، اتنوغرافى متخصصى
 (چوپينسكى) ومورخ وشاعر (قوليش) ك اسملىرى ذكر
 ايدىللىدرلر .

فقط بو اسملك قعرنده اوقراينا نك بوتون قواى فطريه سنى تمثيل
 ايدن بويوك اوقراينا شاعرى (طاراس شهوچه نقو) نك اسمى
 بولومقدهدر . (شهوچه نقو) ، اوقراينا قره طوپراغنىك وشاعر ملتىك
 قره طالغنىك نوزاد حقيقى سيدر . هر درلو حقوق و ثروتدن محروم
 بر كويلى عائله سندن يتشمش اولان شاعر (شهوچه نقو) نك روحى ،
 اوقراينا طوپراغى كى زنكىن ، اوقراينا ملتى كى محزون و اوقراينا نك
 استقبالى ايچون براختلاجى ايمانيله مشبوع اولديغى كى كنديسى
 مظلوملك بر شاعر حقيقى ايدى . (شهوچه نقو) نك كلينلى مقدارده
 بولنان آثار شعريه سنك مالى ، ملتىك تاريخ قهرمانانه سى ، يرلى واجنبى
 چفتلكچىلك ظلمى آلتنده اقتصاداً ازيلن فقير حلقك آه وانينى ،
 حساس بر قلب انسانينك اك درين كوشه لرنده بو ظلمه قارشى اويانان
 نفرت و اوقراينا ليله مخصوص اولان شعر عشقيدن عبارتدر .
 اسلاو ادبياتى كوزل طانبان آوروپاليلر ، شاعر (شهوچه نقو) نى
 غربى آوروپا ادبياتنىك قلاسيق شاعر لرينه قياس اتمكده درلر .
 (شهوچه نقو) نك غايه سياسيه سى ، اوقراينا نى موسقوف حمايه سندن

تماماً تخلص ایتک ایدی . مومی الیه ، شعر لرنده بوغایه سیاسییه بی مدح و مدافعه و (کیف) ده (کیریل میتودیا) نام جمعیت سیاسییه بی تشکیل ایتدیکی ایچون اون سنه مدته اوره نبورغ طرفلرینه نفی ایدیلشدی . بو مناسبتله دیکر بعض اوقرایننا جماعت خادملری ده دوچار ظلم اولمشلردی . چار حکومتی ، (شه وچه نقو) نك اشعارینی حاوی (قوبزار) نام اثرک نشرینی منع ایتمشدی .

فقط اوقرایناده کی فعالیت دوام ایتمش ایدی . اللنجی (۱۸۵۰) سنه لر دوره سنک وسطنده اوقراینانک خرسون ولایتده « قازاقلر » دوره سنک عنعناتی تحظر ایدن اسیر کویلیرک تضیق و عصیانی اوزرینه ، کویلییه حریت شخصییه ویریلدیکی زمان اوقراینانک افکار منوره اصحابی افراک مات آراسنده درحال فعالیت مدنییه کیریشه رک اوقرایننا لسانی اوزره خلقه مخصوص بر ادبیات وجوده کتیرمکه ، یاشلی انسانلرا ایچون آریجه مکتبلر تأسیسنه ورساله لر نشرینه باشلامشلردر . اوقراینالی مکاتب عالییه طلبه سی « اوقراینسقا غرومادا » نامنده کی جمعیت اطرافنده طوپلانمشلردر .

فقط روسیه حکومتی طرفندن یکی بر ضربه دها حاضر لانش و ۱۸۷۶ سنه سی ، روس املاسی [۱] اوزره یازیلان رومان و حکایه لر دن بشقه غزته ورساله کی اثرلرک اوقرایننا لسانجه نشرینی منع خصوصنده فرمان صادر اولمشدی . بو ایسه هر درلو فعالیتی و اجرا آتی تضیق ایلمکده وحتی بعض تشبثلری تماماً عقیم بر اقمده ایدی . باخصوص بو حال ، (۸۰) نجی سنه لر دوره سندن بری روسیه ده ارتجاعک

[۱] روسیه حکومتی ، اوقرایننا لساننک اوقرایناده بولنان بوتون مؤسسات اداریه و اجتماعیه ده وحتی مکتبلر ده دخی استعمالنی دها اولدن منع ایتمشدی .

کسب شدت ایتمه سی اوزرینه دها زیاده فناشمشیدی . لکن کیف دارالفنوننک تاریخ معامی ولادیمیر آنطونوویچ ورفقاسی ودها صکره عینی مکتب معلملرندن میخائیل دراغومانوف و « دراغومانوفلر » کبی یکی وفعال قوتلر ، دعوا ی ملی یی یکی بر اصولده بویوک برمتانته تعقیب ایتدیلر . عینی زمانده بر طرفدن (چوپینسکی ، وولقوف و سائره کبی) اوقراینا اتنوغرافیسترلری کندی ماتلری حقنده کی قیمتلی تبعلره دوام ایله اوقراینا علملرینه مخصوص اساسلر وجوده کتیرمکده اولدقلری کبی دیگر طرفدن ده ایلیک جماعت خادملرینک بوتون نظرلری ، روسلاشمغه مستعد اولمایان و اوقراینانک اسکی مدنیت ملیه سنی سینهنسندده محافظه ایدن خلقه معطوف ایدی .

دراغومانوف عینی زمانده « اوقراینا اتحادی » نامنده خصوصی بر مکتب سیاسی وجوده کتیردی . مومی الیه ، (۱۸۰) نجی سنه لرك یورغونلق وارتجاع دوره سنده اوقراینا جماعتنک نظر دقتنی - روس چارلغی و روس مرکزیتنک عایدارلغی شکلنده اوله رق - یکیدن مسائل سیاسییه جلب ایتک تشبته بولوندی . دراغومانوف ، روس حکومتنک تعقیباتندن قورتولا بیلمک ایچون ممالک اجنبیه یه کیتمه مجبور اولمشیدی . مومی الیه ، اهالیسی ینه اوقراینالیلردن عبارت بولونان اوستریا عالیچیا سنده قالارق آز وقت ایچنده اوراده پک آتشین طرفدارلر بولدی . واقعا ، قولیش قونیسکی ، آنطونوویچ و سائره کبی اوقراینا جماعت خادملرینک عالیچیا اوقراینالیلریله اولان مناسباتی دراغومانوفدن دها اول باشلامشیدی ؛ فقط عالیچیانک انتباه مدنیه و سیاسییه مخصوصنده دراغومانوف قدر خدمتی سبقت ایدن اولمامشدر . مومی الیهک عالیچیا ده کی مکتبی آز وقت ایچنده

اوقراينانك اڭ اسكى شاعرلىرى ايوان فرانقويى ودها بر بلوك جماعت
خادملىرىنى حاضر لايوب يتيشدير مشدر .

۱۸۷۰دن ۱۸۹۰ سنلر يئنه قانداق ادبيات و صنايع تفيسه ده اسكىلردن
رودانسكى، غرابوفسكى، ويكىلردن ساميى لئقو، لهسيا اوقراينسقا كې
بر چوق شاعرلر يتيشمشدر . رومانچىلردن مارقو و وچكى، ايوان
لهويتسكى و اولغا قوبيليانسقا كې اديبلر ذكره شايندرلر. او دوره ده
بر قاچ قومپوزيتور دخى يتيشمشدر . بويوك بر شهرته مالك بولونان
(مي قولالى صه نقو) بونلر مياننده در. مومى اليهك اوقراينا موسيقيسندە كې
موقى ، شه وچه نقونك ادبياتده كې موقغه معادلدر . (لى صه نقو)
اوقراينا لسانى اوزره بر قاچ اوپرا ترتيب ايتمشدر .

بونلردن بشقه ، اوقراينا ملتى ، بوتون دنياجه مشهور اوپرا
مغىلىرى ده يتيشدير مشدر. ميشوغا، ديدور، منچينسكى، قروشە لئىچقا،
آلفسكى كې مغىلر پك بويوك بر شهرته مالكدرلر.

هر نه قانداق اوقراينا مدنيتك بيك مشكالاته جريان ايدن
انكشافى ائناسنده مشاهده اولونان بوتون بو حقايق ، اوقراينا
طبقات مليه سنك توكنمز درجه ده كئير و متين قواى حياتيه يه
مالك بولونديغنى و اڭ اغير شرائط سياسيه ايچرىسندە يشايان
بوغيور ملتك متاديا يكي و مستعد قواى مدنيه و سياسيه وجوده
كتيرمش اولديغنى كوسترمكده ايسهلرده ، بونكاه برابر ملت
طبقه لرى اوزون مدت سكونت ايچرىسندە يشامش و اونك باشليجه
رولى ، مىلى اوقراينا لسانى ، اوقراينا عاداتى و شرقىلىرى كې اسكى
ثروت مليه يي سینه سنده محافظه ايتمكدن عبارت قالمشدر .

فقط ۱۸۹۲ سنه سى بوجهتده پك بويوك بر تبدل وقوعه كتيرمشدر.

واوندن صکره اوقراینانک اهالی طبقه‌لری (خلقی) اوقرایننا آثار ملیه ومدنیه‌سنک احدائی کیفیتنه آچیقندن آچیقنه وفعال بر صورتده اشتراکه باشلامشدر .

۱۹۰۲ سنه‌سندن محاربه حاضره یه قدر

اوقرایننا کویلیلری ، افکار منوره اصحابندن عبارت اولوب اوقرایناده یاپیله‌جق هر درلو حرکات سیاسیهنک موفقیت ویا عدم موفقیتنی تعیین وتأمین‌ایدن یکانه بویوک قوتدر . اوقراینانک اوزنکین تاریخی ینه ، عصیانلر چیقارارق اوقرایننا ملتک یرلی و آجینی فاتحلر طرفندن غصب ایدیلن اراضی وحریتنی استرداد یولنده مجاهدلر یتشدیرمش اولان اوقرایننا کویلیلری تاریخیدر . بوغدان حیمه‌لنیچکینک تحت قومانداسنده اولارق ظهور ایدن اختلال عسکرینک اهمیتلی بر حادته صرهنه کیرمسی ، کویایلرک وملتکده اشتراک ایتسی وحتی عینی زمانده زادکان صنفی‌ده اختلاله تشریک ایدیلمسندن ایلری کلکدهدر .

فقط قورناز چار سیاستی ، حین حاجتده تارلا صباتی اختلال سلاحیه تبدیله آلیشمش اولان کوی خلقنی‌ده اویوشدیرمشدر . اک نهایت (۵۰) نجی سنه‌لرک متفرق حرکاتندن صکره سنه‌لر کچمش وکویلیلر استحصالی اراضی وحقوق ایدنجه چارلغه جداً صاریلش وسکونتہ ظالمشدی . بونکله برابر آغیر ویرکیلر واسطه‌سیله صویولمقده اولان اوقرایننا اهالیسی [۱] کیتدکجه ضرورته اوغرامش وعینی زمانده اراضینک عدم کفایتی‌ده پک زیاده حس ایدیلکله باشلایه‌رق عدم

[۱] جهت اقتصادی‌ده روسیه طرفندن بر مستملکله کبی دائماً صویولمشدر . اوقرایننا حقنده یاپیلان استاتسقیق جدوللرندن آکلاشیلمیغنه کوره اوقرایننا اهالیسندن طویلانان ویرکو حاصلاتنک آنجق یوزده آلیسی اوقراینایه وقلان قسمی روسیه‌نک دیگر جهتلری ایچون صرف اولونمقدهدر .

خشنودی ده یاواش یاواش آرتمش ایدی. بونلرک شپسی ۱۹۰۰ سنه سنده اوقراینا فرقه سنک ظهور ایدن اختلالی ایچون بر زمین حاضر لامش ایدی. بوفرقه، کزلیجه باصیلیمش رساله، غزته و کتابلر طاغیتمقده و اوقراینا کویلیلری آراسنده پک بویوک بر توجه و محبت قازانمقده ایدی. اوقراینا کویلیلرینک ۱۹۰۲ سنه سی، خارقوف و پولاتاوا ولایتلرنده کی عمومی حرکت اختلالیه لرینی حاضر لایان بو فرقه در. مذکور اختلال، بوتون روسیه مجادله سیاسی سنده پک مهم و تاریخی بر موقع قازانمشدر.

بو حرکت، عادتاً بویوک اختلالک بر باشلانغیجی ایدی. اودقیقه دن اعتباراً باشلامش اولان انتباه اجتماعی و سیاسی، اوقراینا حیات ملیه سنک جهات مختلفه سنده پک چوق تازه قوتلر وجوده کتیرمش و بو حرکت عوام طبقه لرینی ده جلب ایتمشدر. اودورده یتیشن کنج نسل، اسکی جماعت خادم لرینک نفوذینی تحدید ایدرک آنلرک جسارتسز اولان خط و حرکتی تبدیل و تعدیل ایلمشدر. اوصره ده احوالک تأثیریه بر چوق قوتلی واستعدادلی رومانجیلر یتیشه رک حکایه و رومانلرنده بویکی حالت روحیه اجتماعیه ترجمان اولمشلردر. بونلردن میخیلو - قوچوبیتسکی و ولادیمیر وینیچونه قو آلمان و سائر لسانلره ترجمه ایدیله رک اوروپاده دخی کسب شهرت ایتمشدر.

اختلال سنه لرنده اوقرایناده بر قاچ سیاسی فرقه اجرای فعالیت ایلکده ایدی. اوقراینا کویلیسی اوزمان (اختلالده) تشکیلات وجوده کتیرمک خصوصنده بویوک بر قابلیت کوسترمشدی که (خیمه لیچکی) زماننده ایکی سنه ظرفنده اوقراینا دولتک وجوده کتیریه بیلمه سی آنجق بوسایه ده ممکن اولمشدی. دومانک ایلک ایکی اتخابی، اوقرایناده اوقراینا فرقه لرینک تأثیرات مطلقه سی آلتنده اجرا ایدیلمشدی.

حکومتک ایکنجی دوماپی داغیتدقن نکره کورک ونفی جزالرینه محکوم ایدیلن اوقراینا مبعوثلری حالا سیبریاده چورومکده درلر .

اوقراینا ملتی ، اختلال کونلرنده کندی لسانی اوزره کتاب وغزته لره مالک اولق حقنی الیه ایتشدی . اختلال و آنی تعقیبایدن ارتجاع ، اوقراینا ملتیه ای بر مکتب سیاسی بخش ایتشردی . ملتک بوتون طبقاتی حیات اجتماعییه قارشی کوزینی آچمش و اوقراینا حرکتک انکشافی او وقتدن بری بویوک آدیملرله ایلریله مکده دوام ایتشدر .

فی الحقیقه قره روس مرتجعلری چوقدن بری « بوتون اوقراینا لیلر روسیه یه قارشی خائندرلر ، آنلرک هپسی حبس ونفی اولونمالی و بوتون اوقراینا محوایدیللی ! » یولنده باغیر مقده درلر . ذاتاً چار حکومتی ده حتی امپریالیزم حسیاتیله مشبوع بولونان لیبراللرک آرزوسیه بویله بر مقصده خدمت ایتکده در . فقط اوقراینا دعواسی ، طبقات ملیه آراسنده او قدر درین بر موقع طوتمشدر که بونلری حبس ایتک مشکل اولدیغی کبی اوتوز میلیونق بوقادار بویوک بر ملتی یوتمق آچ کوزلی موسقوف آغزلرینک بیله کاری دکدر . اوقراینانک هر خصوصنه قارشی صوک درجه یه وارن تضیقات ، مثلاً روس ژاندارمه لرینک اوقراینا کوی وقصبه خانه لرنده هیچ آره سز تحریات بهانه سیله کیروب اهلینک اک زیاده سومکده اولدیغی شاعر شه وچه نقونک رسملرینی دیوارلردن ایندی رهرک چیزمه لری آلتنده چیکنه ملری واک نهایت بعض بدلا موسقوف پولیس مأمورلرینک اوقراینا لیلری کندی لسانلرنجه شرقی سویلمکدن وتیاترو اوینامقندن منع ایتمه لری کبی بر چوق تدابیر نالایقه ، خلقدیه روسیه یه وروسلره عائد هر شیئه قارشی درین بر نفرت او یاندر مقده و موسقوف استبدادینی ده ویرمک و روس حا کیتندن قورتیلماق احتیاجنک بر ضرورت درجه سنه کلدیکنی حس ایتدیر مکده در .

اوقرايناليرك صوك سنلرده ائده ايتدكلرى موفقيات مدنیه يي مختصر بر صورتده اولسون تصوير ائده بيلمك اچون يالكز كيف شهرنده، كتاب طبع ونشريه اشتغال ايدر درت بويوك اوقراينا تجارتيخانهسى موجود بولنديغنى ذكر ايمك كافيدر. بونلر پك سريع بر صورتده ترقى اتمكده وپك بويوك معاملات تجارتيه اجر ايلمكده درلر. اوقراينا جماعت خادملرندن معلم (م. غروشه فسكى) ايله سابق قره دكز فيلوسى قوماندانى آميرال (آرقاس) ك « اوقراينا تاريخى » ناميله آرى آرى نشر ايمش اولدقلى بش يوز صحيفه لك ايكى اثر، از زمان ظرفنده واك زياده كوييلر آراسنده اولارق قرق بيك نسخه صاتيله شدر! بونلردن ماعدا نشر اولونان ديكر ايكى اوقراينا تاريخى ده پك كلىتى مقدارده صاتيلمشلردر. محاربه بدايته قدار (۲۰) اوقراينا

غزته و مجموعه سى موجود ائدى. فقط حرکات عسكريه نك اعلان ائدیلدیكى

كون بونلر ك كافه سى تعطيل ائدیلشدر. بونلردن ماعدا بر قاج مدنيت و معارف جمعيتلر يه ديكر بر طاقم جمعيات علميه دخی موجوددر. بونلر، پك مدعش بر مجادله سايه سنده بوكونه قدار ادامه موجوديت ائده. بيلمشلردر. بو جمعيتلر اچريسندن (شه وچه نقو) نك نامنى طاشيان وبوتون اوقراينالى دارالضنون معلملرينى و علمايى برلشديرن « كيف جمعيت علميه سى » آريجه ذكره شاياندر. ايكى مجموعه ايله بر طاقم رساله نشر اتمكده اولان بوجعيت، روسيه ده كى اوقراينالير اچون اوقراينا خصوصى علم آقاده ميسى رولنى اوينا مقدهدر.

اوقراينا حرکت مایه ومدنيه سنك استناد ايتدیكى باشليجه ديكر بر قوت دها وارسه، اوده اوقراينا قوئوپراتيف جمعيتلريدر. انواعى (۶۰۰۰) ه واران بوجعيتلر مختلف منطقه لرده قسما اتحاد ايمشلردر. بونلردن مثلا (۳) ميليون روبله سرمايه يه مالك بولونان « كيف

كوجوك اعتبار مالى جمعيت اتحاديهسى « نى ذكر ايتمك لازمدر .
 او قراينا لسانى اوزره ايكي قوئوپراتيف مجموعهسى نشر ايديلمكدهدر .
 بوموفقيتلرى آلدە ايدە بيلمك ايجون او قراينا قوئوپراتيف جمعيتلرى
 كرك حكومت ، وكرك حكومتك موسقوف قوئوپراتيف جمعيتلرينه
 ويرمش اولديغى امتياز طرفندن ايفاع ايديلن مشكلاتيه اوغراشمق
 مجبور يتده قالمشردر .

او قراينانك انتباهنده پك بويوك رول اوينامش اولان او قراينا
 تياتروسنك ذكرى ده اقتضا ايدر . مذكور تياترولرده مى اثرلردن
 باشقا ، آوروپا ادبياتندن ترجمه ايديلمش اثرلر دىخى اوينا مقدهدر .
 مى اثرلر ك باشليجه لرندن قوتلاره فسكى نك (پولاتاوقا وسايره كى)
 اثرلرى واك مقتدر آقتورلردن ده طوبياه ويچ وقروپينيتسكى كى
 استعدادلرده ذكر ايديلمك سزادرلر . صوكاللى سنه طرفنده او قرايناده
 تياترو اثرلرى پك زياده آرمشدر . بونلر ك آراسندن وينىچنتونك
 مى اثرلرى اك مهملر ندىدر . او قرايناده شهرت قازامش برقاچ دانه
 اسكى تياترو قومپانيه لرى موجوددر . بونلردن اك مهمى ، كيفده
 آرتيست صادوفسكى نك تحت اداره سنده بولونان دائمى او قرينا تياترو
 قومپانيه سيدر . ولاياتده ارباب مراق طرفندن ترتيب ايديلمش برقاچ
 يوز تياترو قومپانياسى وارددر . بونلر ك آراسنده كويلى تياترو قومپانيه لرى ده
 وارددر . بوتياترولرده ، پوليس اداره سنك بوتون ممانعتلرينه رغماً
 تغنى هيئتلىرى طرفندن مى شرقيلرده سويلنمكده وبوصورتله بويوك
 برفعاليت مدنيه ابراز اولومقدهدر .

او قرايناده ملية دويفوسنك ، وحتى روس اداره مركزلرينى
 تشكيل ايدن شهرلرده بيلاه نه درجه قوتلنمش اولديغى آ كلامق ايجون

صوك سنه لرده او قرايناليلر طرفندن ياپيلان برقاچ بويوك ومهيج نمايشلري نظر دقته آلمق كافيدر . ايكي سنه اول ، كيفده وفات ايدن او قراينانك خلق آراسنده اك معروف صايلان قومپوزيتوري (ليصه تقو) نك مراسم تدفينيه سنه (۲۰۰,۰۰۰) كشيلاك برجم غفير اشراك ايتمشدى . چلنكلرده يازيلي اولان وطنپورانه جمله لر او قراينا ملي رنكنى حاوى بولونان قورده لالر ، بر چوق هيئات مرخصه لر ومتوفانك مزارى او كنده سويلان نطقلر ، بونمايشه دها مؤثر برماهيت مليه وسياسيه وير مشلردر كه بونك نتيجه سي اولارق كيف واليسى حكومت طرفندن تبديل ايديلمشدى . بوندن برسنه صكره ينه كيفده وفات ايدن كنج او قراينا شاعره سي ، (سيا او قراينقا) نك مراسم تدفينيه سنده پوليسك تدابير شديد سنه رعماً ينه بويوك بر نمايش اجرا ايديلمشدى . ايكي سنه اول ، آوستريا ايمپراطورينك غاليچياده خصوصى او قراينا دارالفنونى كشادينه مساعده ايتديكي زمان ، غاليچياليلردن روسيه ده كي قارداشلرينه كلن يوزلرجه مسرت مكتوبلري او قرايناده عمومى شنلكلر ونمايشلر اجرا سنى انتاج ايتمشدى . مختلف صنوف اهاليدن - كويلي ، اصناف ، ايشجي ، علما و سائر بىكلرجه امضاي حاوى تبريكنامه لر ياغدير مشاردى .

كچن سنه « دوما » ده رئيس رودزيانقونك او قرايناليلر عليهنده ايراد ايتمش اولديغى نطق ، بىكلرجه كويلي وايشجي طرفندن امضالى پروتستونامه لر نشريني موجب او اشدر .

۱۹۱۴ سنه سي دخى ملي ايكي بويوك نمايش وقوع بولمشدر . برنجيسى ، بو سنه بدايتنده عمومى روس ولايت مجلسلرنده ابتدائى معلملر طرفندن اجرا ايديلمشدر . بو اجتماعده او قراينان كوندريان مرخص معلملر ،

اوقراينا مکتبلرنده روس لساننک استعمالی و اوقراينا لیلری روسلاشدير مق ایچون تعقیب ایديلن اصول علمنه بر پروتستو قراری اتخاذايتمشلردر . بو قرار ، اسلام ، کورجی ، بلغارو حتی روس (ده موقرات) معلملرینک مظاهرتیله اجتماع عمومیده قرائت و قبول اولونمشدی . فقط اوقراينا معلملری دعوی ملیلرینه خادم اولان بو حرکتلرندن طولانی پک زیاده دوچار تضییق اولمشلردر .

دیگر ودها بویوک بر نمایشده ۱۹۱۴ سنه سنک شباطنده و اوقراينا ناک بوتون بویوک شهرلرنده واقع اولمشلردر . بو نمایشلرینه ، روس حکومتنک ، بویوک ملت شاعری (شهوچه نقو) نک یوزنجی سنه دوریه سی شتکلرینه مساعده ایتمه مسندن ایلری کلمشدر . نمایشجیلر داغیدیلش ، بر چوق اوقراينا لیلر توقیف ایدیلمش ایدیله . حتی موقوفیندن بعضلری حالا روس زندانلرنده چورومکده درلر . شوراسنی سویلک لازم کلیرکه محاربه باشندن بری یوقاریده ذکر ایديلن محبوسلره روس مأمورلری طرفدن بیکلرجه اوقراينا جماعت خادملری دهه علاوه ایدیلمشدر .

اوقراينا ماتى ادامه موجودیتله برابر ملی بر مدنیت وجوده کتیرمکده اولدیغی کبی کندیسنه مخصوص بر طاقم تاریخی یوللرک موجود بولوندیغنی آ کلامقده در . بوملت ، کندیسنک تکامل مدنیه و ملیه سی یولنده تصادف ایتمکده اولدیغی موانع و مشکلاتک نه طرفدن کلدیکنی و باشلیجه دشمننک روس چارلنی ، روس حاکمیتی و یبانهجی موسقف بویوندورونغی اولدیغنی آک آشاغی طبقه لرنده بیله حس ایدیور . اوقراينا ملتی ، یالکنز مجادله قوتلری حاضر لامقده قالمیوب مستقل بر دولت حالنده یشامغه دخی حاضر لاشدر . محاربه حاضره ناک

ظهور ایتدیکی دقیقه دن اعتباراً او قرائنا دولتی احداثی نامنه اولارق بوتون او قرائنا سیاسی جریانلرینی برلشدیریحی « او قرائنا نك خلاصكار جمعیتی » وجوده کتیریلشدر . او قرائنا ملت نك سربستجه انكشاف مدنسی یولنی آچوب تمیزله یه جك اولان بو برنجی طوپوزك ، روس چارلغ نك قناسنه ایندیریلدیکی زمان ، او قرائنا بویوك سوزینی سویله مکده جیکمیه جکدر .

روس او قرائناسی

(پولتارا) شهرنده مقیم (آ . ژوق) طرفندن قلمه آلمشدر :

روس او قرائناسنك مساحه سطحیه سی ، تقسیمات اداریه سی

و عدد نفوسی

روسیه او قرائناسنك مرکزی او قرائنا ایالتلرینی شامل و جامع اولان اراضی اصلیه سی ۵۱۰,۰۰۰ کیلومترو مربعنده اولوب اوستریا حدودندن شرقه طوغری (دون) نهرینه قدر و قره دکزدن شمال استقامتده (پریپت) ایرماغنه قدر اوزانمقده در . او قرائنا لیلرک ساکن اولدقلری تکمیل قطعاتنک وسعت مجموعه سی ۱۵۰,۰۰۰ کیلو مترو مربعنه رسیده اولمقده در .

او قرائنا نك چکرده کی حکمنده اولان بالاده مذکور اراضی اصلیه ، طبیعه و تاریخاً اوچ اساسلی قسمه آیرلمقده در . بوقسملرک برنجیسی (دنیه پهر) نهرینک ساحل یمینده کائن یرلردن متشکلدر که بونلر وضعیت جغرافیایلی اقتضاسنجه شرقدن جنوب غربی یه طوغری تمایل و متوجهدر . بو حوالی داخنده (کیف) ، (پودولی) ، (وولهنیا) ودها یکی تشکیل اولنان (خولم) ایالتلری موجوددر .

ایکسجی قسم (دنیه پهر) نهرینک ساحل یسارنده واقعدرکه بوقسم (پولتاوا) ، (چهرنیهوف) و (خارقوف) ایالتلرینی احتوا ایدر . اوچنجی قسم قره دکز حوالی ساحلیه سنده بولنان جسم اووه لردن عبارتدرکه بونده (قانه رینوسلاو) ، (خرسون) و (طورید) ایالتلری موجوددر .

بوتون بو اراضیده ساکن اهالینک مقدار مجموعی - (خولم) ایالتی داخلی حساب ایدلماک شرطیه - ۱۸۹۷ ده وقوع بولان تحریر نفوسه نظراً ۲۳,۴۳۰,۴۰۷ یه بالغ اولمقده درکه ۱۷,۰۰۵,۶۸۸ ی اوقراینالیدر . شو حسابه کوره اوقراینالیر ۱۸۹۷ ده اوقراینالری اصلیه سنده کی سکنه نک یوزده یتمش ایکسینی تشکیل ایتمکده ایدی . بوقطعه اهالیسی ۱۹۱۰ ده تقریباً ۲۲,۰۰۰,۰۰۰ سی اوقراینالی اولق اوزره ۳۰,۳۶۰,۰۰۰ راده سنده ایدی .

بوندن ماعدا اوقراینالیر زیرده تعداد ایدمکدن ایالتلرده بوقطعه لرده نفوسک اکثریتی یامهم بر قسمنی تشکیل ایتمکده درلر : (قورسق) ، (وورونه ژ) ، (دون) ، (استاوروپول) ، (قوبان) ، (تهره ک) ، (بسارابیا) و سائر . (وولغا) نهری اوزرنده کاشن (سامارا) ایالتیه قفقاسیاده اوقراینالی جماعتاری وارددر . سیبریاده اوقراینالیر سائر اقوامه نسبتاً اکثریتی حائز بولنیورلر . ۱۸۹۷ تحریر نفوس نتیجه سنده بوتون روسیه ده یکرمی یدی میلیون اوقراینالی مقیم اولدیغی آکلاشیلدی . شیمدی ایسه اوقراینالیرک مقدار مجموعی اوتوز میلیون قدردر .

اوقراینالری اصلیه سنک تقسیمات اداریه سیله بو اراضیده هانکی قومدن نه مقدارده سکنه موجود اولدیغی آتی یه درج ایتدیکمز حدوله موضماً کوسترلمکده در :

سائره	آلمانلر	پولونیا لیلر	موسویلر	بیوک روسلر
۱۵۱,۴۶۵	۱۶,۰۳۷		۱۱۰,۳۵۲ ۱۱۳,۷۸۷	۷۴,۲۸۵ ۴۹۵,۹۶۳ ۴۵۱,۱۹۴
۱۵۱,۴۶۵	۱۶,۰۳۷		۲۲۴,۱۳۹	۱,۰۲۱,۴۴۲
۲۷,۶۷۰ ۲۶,۷۶۴	۱۷۱,۳۳۱	۶۸,۷۹۱ ۱۸۴,۱۶۱ ۶۹,۱۵۶	۴۳۰,۴۸۹ ۳۹۴,۷۷۴ ۳۶۹,۳۰۶	۲۱۵,۸۱۶ ۱۰۸,۶۸۳ ۹۹,۸۱۸
۵۴,۴۳۴	۱۷۱,۳۳۱	۳۲۲,۱۰۸	۱,۱۹۴,۵۶۹	۴۲۴,۳۱۷
۶۵,۹۹۳ ۱۷۲,۹۰۳ ۲۵۶,۱۶۲	۸۰,۹۷۹ ۱۲۳,۴۵۳ ۷۸,۳۰۵	۳۰,۸۹۴	۹۹,۱۵۲ ۳۳۲,۵۳۷ ۵۵,۴۱۸	۳۷۹,۰۲۶ ۵۹۸,۳۳۳ ۴۱۴,۰۸۹
۴۹۵,۴۹۲	۲۸۲,۷۳۷	۳۰,۸۹۴	۴۸۷,۱۰۷	۱,۳۹۱,۴۴۸
۵۴۹,۴۹۲	۴۵۴,۰۶۸	۳۵۳,۰۰۲	۱,۶۸۱,۶۷۶	۱,۸۱۵,۷۶۵
۷۰۰,۹۵۷	۴۷۰,۱۰۵	۳۵۳,۰۰۲	۱,۹۰۵,۸۱۵	۲,۸۳۷,۲۰۷

اسامی ایالات	کیلومتر و مربعی حسابیله مساحت سطحیه لری	نفوسک مقدار بجموعی	اوقراینا لیلر
پولتاوا	۵۰,۰۰۰	۲,۷۷۸,۱۵۱	۲,۵۸۳,۱۳۳
چهرنیهوف	۵۲,۰۰۰	۲,۲۹۷,۸۵۴	۱,۵۲۶,۰۷۲
خارقوف	۵۴,۰۰۰	۲,۴۹۲,۳۱۶	۲,۰۰۹,۲۱۱
دنیه پهرک ساحل یسارنده کی اوقراینا ایچون مجموع	۱۵۶,۰۰۰	۷,۵۶۸,۳۲۱	۶,۱۱۸,۸۱۶
کیهف	۵۱,۰۰۰	۳,۵۵۹,۲۲۹	۲,۸۱۹,۱۴۵
وولهنیا	۶۹,۰۰۰	۲,۹۸۹,۴۸۲	۲,۰۹۵,۵۷۹
پودولیا	۴۲,۰۰۰	۳,۰۱۸,۲۹۹	۲,۴۴۲,۸۱۹
دنیه پهرک ساحل یمننده کی اوقراینا ایچون مجموع	۱۶۲,۰۰۰	۹,۵۶۷,۰۱۰	۷,۳۵۷,۵۴۳
قانه رینوسلاف	۶۲,۰۰۰	۲,۱۱۳,۶۷۴	۱,۴۵۶,۳۶۹
خرسون	۷۰,۰۰۰	۲,۷۳۳,۶۱۲	۱,۴۶۲,۰۳۹
طورید	۶۰,۰۰۰	۱,۴۴۷,۷۹۰	۶۱۱,۱۲۱
بیوک اووه دن متشکل اوقراینا قسمی	۱۹۲,۰۰۰	۶,۲۹۵,۰۷۶	۳,۵۲۹,۵۲۹
دنیه پهرک ساحل یمننده کی اوقراینا اووه لی اوقراینا ایچون مجموع	۳۵۴,۰۰۰	۱۵,۸۶۲,۰۸۶	۱۰,۸۸۷,۰۷۲
بوتون روس اوقراینا - سنک اراضی اصلیه سی	۵۱۰,۰۰۰	۲۳,۴۳۰,۴۰۷	۱۷,۰۰۵,۶۸۸

بالادہ کی جدولہ یکان یکان کوسٹریبان اقوامدن بشقہ « سائرہ »
خانہسندہ مقدارلری طوپدن ارانہ اولنان آتیدہ کی اقوام مختلفہ
اوقراینانک اراضی اصلہسندہ متمکن بولنیور :

(چہرنیہوف) ایالتنک قسم شمالیسندہ ۱۵۱,۴۶۵ بیاض روس ؛
(وولہینیا) ایالتندہ ۲۷,۶۷۰ چہ ؛ (پودولی) ایالتندہ ۲۶,۷۶۴
و (خرسون) ایالتندہ ۱۴۷,۲۱۸ رومہن ؛ (خرسون) ایالتندہ
۲۵,۶۸۵ و (طورید) ایالتندہ ۴۱,۲۶۰ بولغار ؛ اووہلی اوقراینادہ
۶۶,۷۸۴ روم - یونان ؛ (قاتہرینوسلاو) ایالتندہ ۱۷,۲۵۳ تاتار .

استاتستیق جدولنک تدقیقندن آ کلاشیلہجنی وجہاہ (دنیہ پەر)
نہرینک صاغ یاقہسندہ کائن اوقراینا اراضیسی اووہلی اوقراینا داخل
و (خولم) ایالتی خارج اولق اوزرہ ۳۵۴,۰۰۰ کیلو مترو مربعی
وسعتندہ در . بو اراضی داخلندہ ۱۸۹۷ دہ تقریباً اون آلتی میلیون
نفوس بولنمقدہ ایدی کہ اون بر میلیونی اوقراینا لیدر . دیمک کہ
اوقراینا لیلر او طرفدہ عموم نفوسک یوزدہ آلتش سکزینی تشکیل
ایدیورلر . ایوم بوحوالیدہ یکرمی میلیون قدر اہالی اقامت ایتکدہ در .



اوقراینا جمعیت استخلاصیہسنک تورک ملتتہ خطابہسی

درسعادتی تحت تملک و حاکمیتہ آلمق خصوصندہ کی خیالپرستانہ
تصورلرندن طولایی روسیہ ، درسعادت و چناق قلعہ بوغازلرینک
حارسی و محافظی اولان تورکیہنک ارثی و ابدی دشمنی اولدی .
روسیہ ، اسلاو منافعی صیانت ایتک کہی دساس بر بہانہ آلتندہ

صلح عمومینک و دولت عثمانیه نك ضررینه اوله رق بالقانلرده كندی
منافع خصوصیه سنی ترویج و تأمین ایتمك یولنی دائماً بولدی . بو مقصد
ایله روسیه كندی كندینی طرز جدید بر حکومت حاله وضع و افراغ
ایچون تورکیه جه صرف اولنان بوتون مساعی بی عقیم براقه جق
صورتده موانع و مشکلات ایقاعندن کری طورمدی . بالقانلرده
اوتهدن بری ظهور ایده ککن سیاسی کشمکشلرک و اغتشاشلرک تاریخی
روسیه نك ساخته و جعلی برپانسلاوینزم مسالکنی تعقیب ایتمدیکنه دلیل
اوله جق امثله ایله مالا مالدر . روسیه سیاستنده کی بو ریا و جعلیتک
تأثیرات مششومه سی سائر اسلاو اقوامی طرفندن متعدد دفعه لر پک آجی
و آجیقلی بر طرزده حس اولمش والا نده حس اولتمقده در .
روسیه داخاندہ اسارت بویوندوروغی آلتندہ یشایان اقوام مختلفه
و متعددیه قارشو موسقوف حکومتجه تعقیب اولنان مسالک حرکت
حقندہ نهلر نهلر سویانیله بیلیر ! بو سیاست داخلیه نك اساسنی تشکیل
ایدن دستور عمل ، ملل و مذاهب مختلفه یه قارشو انواع تضییقات و تعدیاتک
اجراسندن عبارتدر . بونک ایچوندرکه مدنیت و ترقینک اک بیوک
وظیفه و غایه سی هر طرفنده دار آغا جبری دیکیلی بولنان و بوتون افعال
واجرا آتی غدر و ظلم ایله آلوده بولنان روسیه بی پارچه پارچه ایتمک ،
ملل و اقوامک او عمومی حبس خانه سنی بیقمقدر . مسئله یالکنز ظلم
واعتساف آلتندہ یشایان برطاقم اقوامی قید اسارتدن قورتارمقده
دکلدر . مدنیت ایچون عینی درجه ده مهم اولان شی روسیه نك
قومشولرینی طویمق بیلمه یین روس ایمپریالیزمنک احتراصات دائمه
تهدیدکارانه سندن قورتارمق ، تعبیر دیکرله اوروپانک و آسیانک حضور
وسکوتنی تحت امنیته آلمقدر . بوتون جهان مدنیته قارشو برغول یبانی

کبی دیکلیمش اولان روسیه یه حدینی بیلایرمک، ترقیات مدنیه نك انکشافنی ورفاد و سعادت عمومیه نك محافظه و اعلاسنی تأمین ایتمک روس تهلکه سی یوزندن میدان آلمش اولان (میلیتاریزم) ه یعنی میلیونلرجه عسکردن مرکب اردولره عائد و مترتب بروظیفه در .

آوستریا-مجارستان و آلمان اردولرینک روس اردوسنه قارشو احراز ایده جکلری مظفریتک اهمیتی ایشته او قدر بیوک اوله جقدر .

تورکیه ، حکومت غربیه نك روسیه ایله اجرا ایتدکلری مبارزه و مصارعه یه قارشو لاقید طورده ماز و طور ماملیدر . روسیه ده برحیات محرومیت و سفالت ایچنده آه و فغان ایدن میلیونلرجه مسلمانلرک منافی و بالنفس تورکیه نك ده منافع عالیه سی دولت عثمانیه نك روسیه یه قارشو محاربه یاپان حکومتلر ایله توحید مساعی ایتمسنی آمر و مستلزمدر . حکومت عثمانیه نك محاربه یه فعلاً مداخله سنی یالکز سزک دینداشلریکز دکل ؛ روسیه طرفندن قید اسارت آلتنده یشادیلن دیگر اقوام دخی متحسرانه بکلور .

روس حکومتک اک زیاده تضییقاتنه اوغرامش اولان کوزل و زنکین او قرائنامز دخی اوتوز میلیون اهالیسیله حرکت کچمه کزه صبر سزلق ایله انتظار ایدیور .

سز بزی طانیرسککز . تاریخ بزی کرک دکزده ، کرک قره ده یکدیگر مزه بیهوده یره اولاشدیرمدی . (دوروشه نقو) و (اورلیق) نام قهرمانلرک زماننده سزک ایله متفقاً و متحداً دشمن مشترکه قارشو میدان جنک وجداله آتیلدق . (سیچ) ک محو و خرابیسندن صوکره بزم (زاپوروغ) قزاقلری سزک پادشاهککز نزدنده کندیلرینه بر ملجأ بوله بیلایلر .

پنمزده کی قدیم اتفاق دوستانه نك بو کره تجدید اولنه جغی و روسیه
آنجق موسقوفلق عالمی شامل اوله جق حدود اصلیه و طبیعیه سی
داخلنه کری آتیلدقدن صوکره حر و سربست اوقرایننا ملتک دولت
عثمانیه ایله صیقی براتفاق و اتحاد حالنده یشایه جغنی امید ایدرز .

اوقرایننا جمعیت استخلاصیه سی، مسعود بر استقبالك حلونه مشتاق
و منتظر اولدینی حالده تورکیه طرفندن خصم مشترکه قارشو اجرا
ایدیلن وایدیله جک اولان هر تشبثی صمیمیت و حرارتله آلقیشلار و ساخته
پانسلاویزمه قارشو بارد و لاقید قاله رق جسور عثمانلی اردوسنه خالص
محبت و توجهنی ابلاغ و بیان ایله ر .

اوروپا افکار عمومی سه سنه

روسیه نك بردها مثلنه تصادف ایتک ممکن اولیان میدان او قویو جی
سیاستی تاریخک هنوز قید ایتدیکی درجه ده مدهش و عظیم برفلاکتی
بوتون دنیانک باشنه دعوت ایلدی . وطنی، روسیه و آوستریا - مجارستان
پننده تقسیم ایدیلن و کندیسیدی ده چارلق طرفندن اینانیلمز بر صورتده
تضییق اولنان بر ملتک اخفادی اولان بز اوقراینالیلر حرب حاضرک
اسباب عمیقہ خفیه سنی پک ای آکلایورز . بو محاربه جر مه نلکه ویا
اسلاولغه ملل سائرہ اوزررنده تفوق مطلقی تأمین ایچون یاپیلمیور .
بو جنک، مدنیت و وحشت آره سنده جریان ایدن بر مصارعہ در .
حرب، بوتون اوروپایه غیر قابل تعداد و تقدیر ضرر لری ایقاع ایتمش
واونک رفاهیت و مدنیتنی نیجه نیجه دفعه لرتهدید ایلش اولان برفکری
محو و قلع ایتک ایچون اجرا اولنیور: بو فکر ایسه پان موسقوفلق فکریدر .

روسیه، اسلاو اقوامنك سیاسی کوتھینلکندن استفاده ایدرک
 علی العموم « پانسلاویزم » نامیه طاینان بالاده کی فکری کندی آمال
 و تصورات تجاوزکارانه سنه خادم بر آلت حاله قویمشدر . بوفکر
 اوقراینا استقلالنك محوینه، پولونیانك خاک مغلوبیت و مدلته سرلمسنه،
 تورکیه نك ضعفه اوغرامسنه سبب اولدیغی کبی موسقوف چارلغنك
 صوک زمانلرده آغنی آوستریا-مجارستان اوزرینه آتمسنه دنخی سائق
 اولمشدر . غالب و مظفر پان موسقوفلغك آوستریا-مجارستانی پارچه لامق
 ایچون او مملکتته نالیچیا قپوسندن صوقولق ایستیور . روسیه آرزو
 و طلب ایدیور که ماضیده اونکله قومشوسی آوستریا-مجارستان پیننده
 اراضیسی تقسیم ایدیان اوقراینا ماتق بوغازلر ایله درسعادت شهری
 اوزرنده تأسیس حاکمیت نقطه سنه معطوف موسقوفلغك بوامل
 و تصویرنی ساحه حقیقته چیقارمغه خدمت ویاردم ایلسون . وروس
 دیپلوماسیسنك بر دستور حکمنی آلمش اولان عقیده سیاسی سنجه
 درسعادته کیدن یول ویانه دن کچر . بومقصدینه واصل اولق ایچون
 روسیه غالیچیا ده کی عرقداشلر منز میاننده بر چوق سنه لردن بری آل
 آلتندن بر طاقم تحریکات و تسویلات اجرا ایتدی . روسیه نك حسابی
 میداننده در : روسیه ده اک آغیر تجبر و تحکم آلتنده یشایان قومنك
 غالیچیا ده ساکن قسمی روسیه نك دعواسنه قزانیلسه موسقوف سنجاغنی
 قاریات طاغلرینك ذروه لرینه رکن ایتمك وظیفه سی روسیه ایچون پک
 زیاده کسب سهولت ایدردی . حالبوکه روسیه ده متمکن اولان اوتوز
 میلیون اوقراینالی غالیچیا ده کی قرداشلرینك تأثیر و نفوذی آلتنده
 کندی منافع ملیه و سیاسیهلرینی بحق محاکمه و تقدیر ایدرک بر

حاله کلسه لر روسیه نك بوتون تصورات اتساعکارانه وفتوحاتجویانه سی
صویه دوشر. ایشته روسلر بویله دوشونیورلردی.
اوقراینالیلر ایله مسکون ایالتلر روسیه دن قوپارلمدقجه روسیه
محاربه حاضرده اک محو ایدیجی هزیمته دوچار اولسه بیله بومغلوبیت
کندیسنه آنجق خفیف بر ضربه تأثیرینی اجرا ایده جکدرکه بونک
آلتدن روسیه نك بهمه حال بر قاچ سنه ظرفنده قالقینه جغه وبلنی
تکرار طوغریلته رق اوروپا صلحنی تهدید واخلال ایتمکدن عبارت
اسکی رولنه عودت ایده جکنه هیچ شبهه ایتملیدر. آنجق اتفاق
مثلك بر پیکی اوله جق حر و مستقل بر اوقراینا حکومتیدرکه
(قارپات) طاغلرندن (دون) نهرینه و بورادنده قره دکز
سواحلنه قدر اوزایه جق واسع اراضیسیله اوروپا ایچون روسیه یه
قارشو بر سپر وحائل وظیفه سنی ایفا ایده بیله جکدر. اوروپا ایله
موسقوفلق عالمی آره سنده بر دیوار کبی طوره جق اولان بر اوقراینا
حکومتی چارلغک آمال توسعکارانه سنی ابدیاً عقیم بر اقدقندن بشقه
اسلاولق عالمی پان موسقوفلغک تأثیرات مشثومه سندن بری ومصون
قیله جقدر.

مدنیت قدیمه سنی موسقوفلرک قارشو محافظه ایتمکدن عبارت
وظیفه تاریخه لرینی بحق و تماماً درک و حس ایدن اوقراینالیلر
من القدیم روسیه یه قارشو اک بیوک خصومت و عداوت پرورده
و ابراز ایلمشردر. بو ملت، استرداد حریت اوغورنده وقوع
بولان حرکات و مجادلاتنده غرب عالمنک و بالخاصه آلمانلرک
معاونتنی طلب ایتمکدن هیچ بر زمان خالی قالمدی. (بوغدان
شمه لیتسکی Bogdan Chmelnitzky)، (دوروشه نقو Doroschenko)

و (اورلیق Orlyk) نامندہ کی ہمتانہ امداد آلق ایچون آلمانیہ ، (مازہ پا Mazeppa) ہمتانی ایسہ عینی مقصد ایلہ اسوچہ مراجعت ایتدیلر . حتی ایکجی (قاتہرینا) نک دور سلطنتندہ بیلہ اوقراینا اصیلزادکانی موسقوفلق عالمنک مظالمہ قارشو پروسیا سرای قرالیسندن استمداد ایتدیلر . کچن سنہ مارت آیندہ (کیف) شہرندہ (شہوچہ نقو Schewtschenko) نامنہ وقوع بولان نمایشلر وبونلر اٹناسندہ « یشاسون آوستریا » ، « محو اولسون روسیہ » کبی ندالر یوکسدیلسی اوقراینا مفکورہ سیاسیہ سنک تکرار عنعنات قدیمہ تاریخیہ طریقہنی طومغہ باشلادیغنه اک باہر بردیلدر .

« اوقراینا جمعیت استخلاصیہ سی » نامی آلتندہ برلشمش اولان بز اوقراینالیلر روسیہ ایلہ صوک و قطعی بر حساب کورمک اوزرہ بوتون قوتلر مزنی جمع و صرف ایدہ جکز . روس - آوستریا حدودینک ایکی طرفندہ متوطن اولان ملتیز ارثی دشمنمز ایلہ قطعی وانہائی بر حربہ کیریشمک اوزرہ حاضر لاندینی و سلاحندینی شووخیم زماندہ بوتون عالم مدنیته شوخطابہ مزنی توجیہ ایدیورز . ازجان و دل تمنی ایدرز کہ او عالم حقلی دعوا مزنی مدافعہ ایتسون . بز اوروپا افکار عمومیہ سنہ اوقراینا دعواسنک عینی زماندہ اوروپا دہ موقراسیسی دعواسی اولدینی قناعت و ایمانیلہ مراجعت ایدیورز . اوقراینانک واسع اووہ لرنندہ روسیہ قارشو اوقراینا حکومتی شکلندہ قوی براستحکام وجودہ کتیرلہ نیجہ اوروپا ہیچ بر زمان راحت یوزینی کورمیہ جک ، اوروپا ہیچ بر زمان چارلغک تہلکہ استیلاسندن قورتولیہ جق ، اوروپا ہیچ بر زمان آثار واجراآت مدنیہ سنک آتیسندن امین اولمیہ جقدر .

ملتزمك عصر لرجه موسقوفلق عالمى ايله اجرا ايتديكى محاربات
ومبارزات اثناسنده اختيار ايلديكى مدهش فداكارلقلر بزه جهان
مدنيتك عارفانه وواقفانه انظار دقتى اوقرائنانك اعاده حریت
واستقلالنى استهداف ایدن دعوا منر اوزرینه جلب ایتك حقنى ویریور.
جسیم برر مزارلغى آکدیران میدان حربلرده بیکلرجه اوقرائنالینك
قانى آقدیغى واوروپا ملل واقوامنك آتى مقدراتى تعیین ایلدیكى
شوزمانده دعوا منرک بوتون اهمیتی اوروپاچه مجهول قالماق ایچون
منافع سیاسیه لری حریتك ومدنيتك منافعى ايله متحد وتوأم اولان
بالجمه ملتلك افکار عمومیه سنه مراجعت ایدیورز .

اوقرائنا جمعیت استخلاصیه سی نامه

آ . اسقورویسی بولتولھو فسكى
آ . زور
د . دونزوف
ھ . دوروشه نھو
م . مدلنه فسكى



اوقراينا جمعيت استخلاصيه سنك پروغرمى

روس - آوستريا حدودينك هرايكي طرفنده واقع واوقرايناليلر ايله مسكون اراضى اوزررنده قطعى ميدان محاربه لرى اجرا اولنان بر جدالكاه حاله كلدى . بوندن دهها مهم برشى واردركه اوده اوقراينا قطعهنك ايكي طرف مخاصملىكده ثمره ظفر اوله رق تصاحب وتملك ايتك ايتدكلرى برمملكه اولسيدر .

اوقرايناليلر بحق ديه بيليرلر كه محاربه حاضره اولنرك طالع ومقدراتى صورت قطعيه ده تعين وتقرر ايدجكدر . آوسترياده يشايه - بيلديكمز حيات مليه نك ملجأى اولان اوقراينا (پيه مونن) نك يعنى غاليجيانك محو و خراب مى اوله جنى يوقسه حيات مليه مزك (زبروز) ك ايلريسنه و (دنياهه) نهرينى آشهرق قره دكز ساحلرينه قدر كمال شعشه ايله توسع وانكشاف مى ايدجكي بو حرب نهايتنده آكلاشيله جق بر شيدر . روسيه ده ربه اسارت آلتنده يشايان اوقرايناليلر شمديكي حادثاه قارشو قابل دكل لاقيده وعاطل بر سيرجى موقعنده قاله منزلر . بناء عليه اولنر استقلال ميليرينى طلب خصوصنده كى حق صريحلرينى بوتون جهان طويورمق ايچون سسلرينى اولانجه قوتلرى ايله يوكستيورلر .

تاريخك احداث ايتديكي ضرورتلر روسيه ايله اوروپا آره سنده مستقل براوقراينا حكومتك موجوديتنى كمال شدته استلزام ايلكده در .

آنجق بو صورتله اوروپاده دواملی بر صلح وصلاح تأسیس و تأمین اولنه بيله جقدر .

بويله بر حكومتك تشكيلي هم آوستريا - مجارستان حكومتك منافع حياتيه سی نقطه سندن مبرم هم ده آوستريا - مجارستان آلمانلرينك ونفس آلمانيا اهاليسنك سکون و حضور ايچنده انكشاف و ترقيلری ايچون اهم و الزمدر . او قراينا حكومت مستقلاسنك ساحه وجوده چي قمسی ايسه او قراينا ليلرك عصر لردن بری بسلكلری و او قشاد قلری اك معزز و مقدس برامللرينك نهايت تحققی ديمك اوله جقدر .

روسيه ده مقيم او قراينا ليلر بو حقيقتی درك و تيقن ايتدكدن صوكره « او قراينا هيئت استخلاصيه سی » ناميله عمومي بر تشكيلات مليه بي وجوده كتيرديار . بو هيئته مترتب وظيفه ايسه روس الكاسنده ساكن او قراينا ملتك ملی ، سياسي ، اجتماعي و اقتصادي منافعنك مدافعه سنی درعه ده ايلكدر . بو هيئت ، او قراينا ملتي ايچون سياسي استقلالك طلبی لزومنده اتحاد ايدن بوتون سياسي فرقه لری و جريانلری تمثيل ايتمكده در . هيئت استخلاصيه شمدي يه قدر صرف ايتديكي غيرتلك و تشبثلك حقيقت و فعلياته تحويل و تقليبي چاره لريني آنجق و آنجق موسقوف چارلغنك دول متفقه طرفدن زمين هزيمته سرلسنده كوريور . مستقل او قراينا حكومتك مشروطی ، هر دائم مساواتپرور ، آنجق بر هيئت تشريعيه يه مالك ، بوتون حقوق مليه و اجتماعيه و سائره بي كافل و ضامن و مذهب مليسنه صاحب بر حكومت حالنده تأسس و تشكلی بزجه مطلوب و ملتزمدر .

او قراينا ملتيله مسكون اراضيدن آنجق بر قسمنك روس استبداد و مطلقيتدن تخليصنه موفقيت الويرمسی حالنده هيئت استخلاصيه ،

اوقراینا لیلره مقر اولان بوتون قطعاتک حائز مختاریت بر مملکت
حالنده آوستریا حدودلری داخلنه آلمسنه صرف مقدرت ایده جکدر.

مستقل بر اوقراینا حکومتک عقب تشکلنده زراعته عائد امور
و خصوصاً اوقراینا کویلیلرینک منافعه اک موافق بر طرزده
اصلاحات اساسیه اجراسنه تشبث اولنه جقدر .

هیئت استخلاصیه نک باشه چیقارمقله موظف و مکلف اولدیغی
وظائف فعلیه و عالیه اوقدر مختلف و متنوعدر که بونلر آنجق عمومی
بر صورتده ایما و ایضاح اولنه بیلیر . هیئت استخلاصیه ، کندی
مؤکلرینه مؤثر بر معاونت ابرازایده بیلیمک ایچون روس اوقرایناسنده
هم ملی ، هم سیاسی بر تشکیلات وجوده کتیردی . آوستریا - مجارستان
اردوسی روس اوقرایناسنی اشغال ایدر ایتمز هیئت استخلاصیه بالاده کی
تشکیلاتی او اراضیه دخی تشمیل و تطبیق ایتمکه مسارعت ایده جکدر .
بونک اوزرینه روسیه دن تفریق ایدیلن اراضیده وجوده کتیریله جک
سیاسی حکومت تأسیساتی ، زراعت مسئله سنک حلی و سائر امور حقنده
اتخاذ مقرراته مأمور ملی بر قونفره نک جمعی ایچون تدارکاتده
یولنیله جقدر . اوقراینا ملتک مدافعه منافی و بو ملتک سیاسیات
وملیت زمیننده کی تشبثلرینک موفقیته اقترا نی ایچون هیئت استخلاصیه
دول مختلفه و بین الملل قونفرانسلر ایله تماس و مناسباته کیریشه جک
وعینی زمانده اوقراینا حرکت ملیه سنک اوروپا افکار عمومیه سی
زدنده مظهر رغبت و معاونت اولسی ایچون بر طاقم نشریاتده بولنمق ،
مخابراتی نشر و اعلان ایتمک و سائر تدابیره مراجعت ایلمک صورتیله
صرف غیرت و همت ایلیه جکدر .


اوقراينا هيئت استخلاصيهسى آوستريا اوقرايناليلرى ايله دائمى
 بر تماسده قاله جقدر . اوستريا - مجارستان و آلمان اردولرينك غالبىتى
 و روسيه نك مقهورىتى ازجان و دل آرزو و اميد ايدن اوقرايناليلر
 ملل و اقوام مختلفه نك حبس خانهسى اولان روسيه نك انقاضى اوزرنده
 حر و مستقل بر اوقراينا حكومتك تاسيسى نصيب اوله جنى زمانى
 بيوك بر صبر سزلق ايله بكليورلر .



فہرست :

صفحہ	
۳	ناشر لطفندن
۵	اوقرائنا و تورکیہ تاریخی
۱۳	اوقرائنا تاریخنہ رجعی بر نظر
۳۳	روس اوقرائنا سندہ تاریخی فرقہ لر
۴۴	اوقرائنا لیلرک فعالیت مدنیہ سی
۵۶	روس اوقرائنا سی
۶۰	اوقرائنا جمعیت استخلاصیہ سنک تورک ملتہ خطابہ سی
۶۳	آوروپا افکار عمومیہ سنہ
۶۸	اوقرائنا جمعیت استخلاصیہ سنک پروغرامی

علاوہ : بوتون آوروپاہہ نظراً (اوقرائنا) پی کوستر خریطہ



(اوقرابنا) قطعہ سنک بونونہ آوردیابہ نظر انسی موقع دجسائی کوستہرہ خدیطہ در (اوقرابنا، روسیہ و یورکیہ) نام رسالہ یہ علاوہ در

« او قراينا خلاصكار جمعيت اتحاديه سي » ، كندی آبال احرارانه سندن آوروپالی
قارئلری خبردار ایتک انچون ویانه ده « Ukratische Nachrichten »
نامی آلتنده هفته لق بر مجموعه نشر ایتکده اولوب آدره سی بروجه آتیدر :
Wien, VIII. Josefstädterstrasse 79.

۲۰ پارادر

توزیع اولوندینی یر : باب عالی جاده سنده « تورک یوردی » کتابخانه سی
باصیلدینی یر : مطبعه خیریه و شرکاسی